

四庫全書

史部

欽定四庫全書

欽定續通志卷一百六

地理略

四

遼

臣等謹案遼代地理分為五道其各道之州軍城有直屬京者有屬之府者有屬之州者今惟取屬京之州軍城悉著於篇其餘各府州所領者概行省去以歸簡當

遼國其先曰契丹本鮮卑之地世居遼澤南控黃龍北帶潢水冷陁屏右遼河塹左當元魏時有地數百里至唐達呼爾氏蠶食扶餘室韋靺鞨之區地方二千餘里唐太宗貞觀三年以其地置元州尋置松漠都督府建八部為州各置刺史德吉部曰峭落州赫伯部曰彈汗州都呼部曰無逢州芳阿部曰羽陵州圖勒彬部曰日連州芮奚部曰徒河州卓津部曰萬丹州富部曰匹黎赤山二州以達呼爾氏庫克為使持節十州軍事

於五代契丹約尼氏益強闢地東西三千里太祖以德  
呼勒部之衆代約尼氏起臨潢建皇都更約尼氏八部  
曰達爾結部伊斯琿部舍琿部諾爾威部丕勒摩部納  
古濟部濟勒錦部實袞部每部設刺史又西兼突厥東  
并渤海土宇日拓太宗援立石晉得燕雲十六州以皇都  
為上京升幽州為南京改南京為東京聖宗城中京興  
宗升雲州為西京於是五京備焉又以征伐俘尸建州  
襟要之地加之私奴置投下州凡五道總京五府六

府

六謂定理率賓鐵利安定長嶺鎮海也而龍州亦曰黃龍府霸州亦曰興中府開州亦曰開封府是有九府

州軍城百五十有六上京道曰上京臨潢府本漢遼東郡西安平

之地遼太祖神冊三年城之名曰皇都天顯十三年更名上京府曰臨潢按遼史本紀天顯無十三年十三

年即太宗會同元年也道所轄州曰祖天成軍上節度本紀書此在會同元年

默里地太懷奉陵軍上節度本唐歸城州慶元寧軍上

祖建州地遼世宗大同元年置州長春詔陽軍

保山黑河之泰德昌軍節度本契丹二十長春詔陽軍

地聖宗建州烏靜安軍刺史本烏永永昌軍

年置儀坤啟聖軍節度本契丹右龍化興國軍下節度

年置儀坤啟聖軍節度本契丹右龍化興國軍下節度

年置儀坤啟聖軍節度本契丹右龍化興國軍下節度

年置儀坤啟聖軍節度本契丹右龍化興國軍下節度

地遼太  
祖置州  
**降聖**  
開國軍下刺史本大部  
落東樓之地穆宗建州  
**饒**  
本唐饒樂府地

貞觀中置松漠  
府遼太祖建州  
**又投下州曰徽**  
宣德軍節度景宗女  
秦晉大長公主置  
**懿**

唐順軍節度聖宗  
女燕國長公主置  
**渭**  
高陽軍節度秦國王隆  
慶女韓國長公主置  
**壕**  
本遼東  
西安平

縣地國  
宰州置州  
**原**  
本遼東北安平縣  
地國  
**福**  
本遼東北安平縣  
地國  
**橫**

木遼陽縣地國  
勇蕭克忠置州  
**鳳**  
本藁離國故地渤海之安  
寧郡境南王府五帳分地  
**遂**  
本高州  
地南王

府五帳故  
牧于此  
**豐**  
本遼澤大部落約  
尼氏寨音牧地  
**順**  
本遼隊縣地橫  
帳南王府建州  
**閭**  
古羅

王牧  
地  
**松山**  
本遼澤大部落橫  
帳布庫王牧地  
**豫**  
橫帳陳  
王牧地  
**寧**  
本遼呼爾氏  
勒特山橫帳

固寧王  
牧地  
**又邊防州曰靜**  
觀察本泰州之金  
山天慶六年升  
**鎮**  
建安軍節  
度本古哈

欽定四庫全書

卷一百六

屯城統和二招綏遠軍刺史城曰和坦本回鶻靜邊本契

十二年置皮被河塔里珠年置東京道曰東京遼陽

丹二十部本朝鮮之地後為渤海大氏所有疏中京顯德府遼

陽道所轄府曰率賓刺史故率賓國地渤海置府案

大理刺史故挹婁國地渤海置府案鐵理刺史故鐵

安定長嶺鎮海防黃龍亦曰龍州本渤海扶開封亦曰

鎮國軍節度本識貊地高麗為慶州渤海曰定保寧軍

保宣義軍節辰奉國軍節度本高麗蓋牟城盧立德軍

皮高麗置渤海改為蓋州又改辰州刺史本

渤海移 **鐵** 建武軍刺史本漢安市縣 **興** 中興軍節度本  
盧郡 高麗為安市城渤海置州 漢海宜縣地渤海

海置 **湯** 本漢襄 **崇** 隆安軍刺史本漢長 **海** 南海軍節度  
州 平縣地 岑縣地渤海置州 本沃沮國地

高麗為沙卑城渤海 **涑** 鴨涑軍節度本高麗故 **顯** 奉先軍  
海疏南京南海府 國渤海號西京鴨涑府 顯上節度

本渤海顯德府 **宗** 下刺史 **乾** 廣德軍上節度本漢無慮  
地遼世宗置州 聖宗置 縣地聖宗統和三年置

**貴德** 寧遠軍節度本漢襄平縣地遼太宗 **潘** 招德軍中  
時察克以所俘漢民置後沒入馬 節度本挹

婁國地渤海 **集** 懷衆軍下刺史本漢險濟縣 **廣** 防禦漢屬  
海置州 地高麗為霸巖縣渤海置州 襄平縣高

麗為當山縣遼太祖建 **鐵利** **遼** 始平軍下節度本佛寧  
州聖宗開泰七年改今名 國城渤海為東平府遼

太祖改 **遂** 刺史本渤海美州地遼訪揀使 **通** 安遠軍節  
為州 耶律佛德置州穆宗時沒入馬 度本扶餘



欽定四庫全書

卷一百六

國王城渤海號扶餘城遼韓來平軍下刺史本蒙離國  
太祖改龍州聖宗改今名高麗置鄆頤府遼太祖置

三河榆河二州聖宗置安軍下節度本挹婁故地渤海  
宗併二州置韓州雙置安定郡額里森王置州後没入

馬銀富國軍下刺史本渤海尚鎮遠軍下節度本漢襄  
富州遼太祖改今名尚平縣地遼太祖置州

案本志下文又有尚州括金史地理志銅山縣注作同  
州鎮安軍疑此尚字為同字之訛鎮安鎮遠則未知孰

也咸安東軍下節度本高麗銅山縣地信彰聖軍下節  
渤海置銅山郡遼開泰八年置州度本越喜故

城渤海置懷遠府遼開泰初置州賓懷化軍節度本  
按金史地理志作開泰七年建渤海城遼統和

中升湖興利軍刺渤海置勃清化軍刺鄂彰聖軍刺銅廣利軍  
史渤海置勃清化軍刺鄂彰聖軍刺銅廣利軍

置沫刺史渤海置冀永安軍東以渤海尚以渤海吉福昌軍  
刺史渤海置冀永安軍東以渤海尚以渤海吉福昌軍

麓

下刺史  
勃海置  
荆刺  
懿寧昌軍節度  
太平三年  
越國  
滕昌承

史寧

觀察統和二  
十九年置  
行廣安軍  
連德昌軍  
歸觀察太祖  
蘇

安復軍節度本高麗  
南蘇遼興宗置州  
復懷德軍節  
肅重熙十年置  
安刺

榮率荷源渤海寧江

混同軍  
觀察河  
德化  
祥瑞聖軍節

城曰順化

嚮義軍  
下刺史  
來遠  
中置  
中京道曰中京大

定府

本漢新安平縣  
唐置  
饒樂都督府  
遼統和  
所轄府

曰興中

彭武軍節度本唐營州  
遼太祖  
州曰成  
興府軍

國長公主置軍曰長慶  
初宜崇義軍上節度本遼  
錦臨  
海上京後改軍名來屬  
西象縣地興宗置州  
錦海

軍中節度本漢遼東無慮縣幕川長寧軍中節度本唐容統置西樂縣遼太祖置州

明王安圖置白川州建昌樂縣遼太祖置州歸德軍後没入者曰川州

本唐瑞州故地遼聖宗太平元年置州南京道曰南京析津府本幽州唐

府五代晉以遼有拔立之功割幽州等十六州以獻太宗升為南京府曰幽都開泰元年改今名道所

轄州曰平遼興軍西京道曰西京大同府本雲州石晉

十三年升為西道所轄州曰豐天德軍節度本唐豐州

京府曰大定開遠軍下節度本中受降城地遼初置代北

為州雲內雲朔招討司改雲內州按麟輿地考及古

興紀要並云遼置開遠寧邊鎮西軍下刺史本奉聖武

軍清寧初改雲內州唐隆鎮遼置州

定軍上節度本唐新州  
晉割獻太宗更名

蔚

忠順軍上節度  
石晉割獻升軍

應

彰國軍  
上節度朔

遼升順義  
軍節度

東勝

武興軍  
下刺史

金肅

重熙十  
二年置

軍曰天德

天德軍  
節度使

河清

重熙十  
二年置

其地東至於海西至金山暨於流沙北至

臚胸河蓋幅員萬里云

欽定四庫全書

卷一百六

欽定續通志卷一百六

欽定四庫全書

欽定續通志卷一百七

地理畧五

金

金之先世居肅慎地太祖起兵伐遼攻黃龍府南取遼陽  
進克臨潢拔中京又西掠雲中乃入居庸并幽冀還都會  
寧建國號金太宗時盡得遼故地於是遣將分徇河南州  
縣執宋二帝闕陝小東以次俱下尋破西京宋高宗南渡乃

立劉豫於河南既又取之而長淮以北悉為版宇其壤地封疆東極吉林密雅呼達噶之境北自扶餘路之北三千餘里和洛和搏穆昆地為邊右旋入秦州博勒郭所浚界壕而西經臨潢金山跨慶桓撫昌淨州之北出天山外包東勝接西夏逾黃河復西歷葭州及米脂寨出臨洮府會州積石之外與生羌地相錯復自積石諸山之南左折而東逾洮州越鹽川堡循渭至大散關北竝山入京兆絡商州南以唐鄧西南皆四十里取淮之中流為界而與宋為表裏襲遼制建五京

置十四總管府是為十九路上京路領府二曰會寧

留守

司即哈爾呼之地金之舊土也初為會

隆安

利涉軍節度使本遼

寧州太宗天眷元年升為府號上京

黃龍府金天眷三年改為濟州世宗大定二十九年改為隆州宣宗貞祐初升為府

州二曰肇武

興

軍指討司舊珠赫店

信

彰信軍

路五曰扶餘

節度海蘭

初置

總管府後

率賓

節度本遼率賓府金天會二年為路

哈斯罕

節度和囉噶

司一曰烏克蘇喇

指討司

咸平路領府一曰咸平

總管府本遼咸

州金海陵天德

州一曰韓

刺史

東京路領府一曰遼陽

留守

二年升為府

司州六曰澄

南海軍刺史本遼海州金天德三年改今名

瀋

昭德軍

貴德

刺史



蓋

奉天軍節度本遼辰州金  
章宗明昌四年改今名

復利來遠

本遼東遠城金  
大定中升為川

路一曰博索

初置總管府  
後改為尹

北京路領府四曰大定

留守  
司本

遼中京金貞元  
元年改為北京

廣寧

鎮寧軍節度使本遼顯  
州金天棚七年升為府

興中

臨

潢

初置總管府為臨  
潢路大定後罷

州十曰利

刺義

崇義軍節度使本  
遼宣州金海陵天

德三年  
更名錦節度

瑞

歸德軍節度本遼東州金天德三  
年更為宗州泰和六年改今名

認寧昌軍  
節度建

保靖軍  
刺史

全

魏安軍節度章  
宗承安二年置

慶

正寧軍  
刺史興寧

軍節度本遼北安州樂化軍  
興化縣金承安五年升為州

秦

昌德軍  
節度

西京路領府二

曰大同

留守德興

本遼奉聖州金大  
安元年升為府

州十四曰豐

天德  
軍節

度弘刺史淨刺史大定十八年置桓刺史撫節度鎮寧軍案金史志云天輔七年降為建

昌縣明昌七年以徇復置而不詳其初置年月別無可考謹附識宣德刺史本遼歸化州金大定七年

改今名朔節度武刺史應節度蔚忠節度雲內節度開遠軍

寧邊刺史東勝刺史中都路領府一曰大興遼析津府金貞元元年改今名

州十三曰通刺史天德三年升潞縣置薊刺史易刺史涿刺史順刺史案以上四州

遼皆隸府金升謹附識平興平軍節度灤刺史案灤州遼舊永定軍節

度霸刺史保節度順天軍安刺史宗順安軍金遂刺史宗廣信軍金天會七年

年升為州安肅刺史宗安肅軍金天會七年南京路領府三升為徐州天德三年改今名

曰開封留守 歸德 宣武軍本宋應天府歸德軍 河南 宋

京金興元元年升為 州十九日 睢 宋史本宋拱州金 單

中京政府名曰金昌 史 壽 刺 陝 防 鄧 武 節 唐 刺 裕 宋 唐 州 方 城 縣 金 嵩

刺史本宋順州金 汝 刺 許 呂 武 軍 鈞 刺 史 本 宋 陽 翟 縣

天德三年改今名 史 節 度 州 鄭 防 頭 防

州 升 為 毫 防 陳 防 蔡 防 息 本 宋 蔡 州 新 息 縣 金 鄭 防 頭 防

宿 泗 防 河北東路領府一曰河間 總 管 州 八 曰 蠡 刺

本宋永寧軍金天會七年升 莫 刺 獻 刺 史 本 宋 河 間 府

為寧州天德三年改今名 史 樂 壽 縣 金 天 會 七

年升為壽州天 冀 安 武 軍 深 刺 清 防 滄 橫 海 軍 節 度

德三年改今名 節 度 史 梁 元 史 地 理 志

種海作臨  
海謹附識

景

刺史本唐景州宋為  
永靜軍金初復為州

河北西路領府三曰

真定

總管府

彰德

彰德軍節度本宋相州  
金明昌三年升為府

中山

定武軍節度

州

九曰威

刺史本宋并陘縣金  
天會七年升為州

沃

刺史本宋趙州後升為  
慶源府金天德三年更

名仍邗

安國軍節度本唐州宋升為  
信德府金天會七年復舊

洺

防刺史祁  
刺史祁

河平軍節度

濬

防刺史

山東東路領府二曰益都

總管府本  
宋青州金

初更名升為府

濟南州十一曰濰

刺史

濱

防刺史

沂

刺史

城陽軍金大定二十二年升  
為城陽州二十四年改今名

棣

防刺史

淄

刺史

萊

定海軍節度

寧海

刺史本寧海軍大定二十二年升為州  
通志金明昌中於年早縣置寧海軍後升為州史  
梁山東

欽定四庫全書

卷一百七

文未晰  
謹附識

山東西路領府一曰東平

總管

州九曰濟

刺史

徐

武寧軍節度 邳 刺史本宋淮陽軍金貞節度 邳 三年更名升為州

滕

刺史本宋滕陽軍金大定二十二年

升為滕陽州二 十四年改今名

博 充

防 慶府金大定十九年復為州 泰定軍節度本兗州宋升為

泰安

刺史本兗州奉符縣金大定二十二年升為州

德

防 曹 刺史本曹州宋升 興仁府金復舊為

州大名府路領府一曰大名

總管

州三曰恩

刺史

濮 開

刺史本澶州宋升為開德府金皇統四年更名降州

河東北路領府一曰太原

總管

府州十三曰晉

興定四年以壽陽縣西張寨置

忻 平定

刺史本宋平定軍金大定

二年升 汾 節度

石

刺史 葭 十二年升為晉寧州二十四

年更震武軍代節度隩本宋火山軍金大定二十二年升為火山州後改今名寧化刺史

本宋寧化軍金大定嶺鎮西軍嶺節度岢嵐防禦本宋岢嵐軍金大定二十二年

升為保德防禦本宋保德軍金大定二十二年升為州管防禦本宋憲州金天德三年改今名

河東南路領府三曰平陽總管河中護國軍節度晉安絳陽軍節度

度本宋絳州金興州九曰隰刺史吉本宋慈州金天德三年改為耿州明昌元

年更寶昌軍解節度澤忠昌軍節度潞昭德軍節度本潞州宋升今名為隆德府金復舊為州

遼刺史沁義勝軍節度本宋威勝州懷沁南軍節度孟防京北府

路領府一曰京北總管州六曰商防號刺史乾刺史宋改為

醴州金天德  
三年復舊名  
同安國軍節度  
耀華金安軍節度  
鳳翔路領府二

曰鳳翔總管  
平涼平涼軍節度本宋渭州金大  
州四曰

德順隴安軍節度本宋德順  
鎮戎刺史本宋鎮戎軍金  
大定二十二年升為

州秦鎮遠軍  
隴防聖廊延路領府一曰延安總管  
州五曰

丹刺史保安  
定二  
十二年升為州  
綏德刺史本宋綏德  
軍金大定二十

二年升  
廊保大軍  
坊刺史  
慶原路領府一曰慶陽總管  
州

五曰環寧  
刺史邠靖難軍  
原刺史涇彰化軍  
臨洮路領府

一曰臨洮  
總管府本宋熙州金皇  
州六曰積石  
刺史本  
宋積石

軍金大定二十二年升為州

洮

刺史

蘭

刺史

鞏

通遠軍節度

會

刺史

河

平西軍節度

總

京府州凡百七十有九而西北之各部族節度詳袞羣

牧不在其數焉



欽定續通志卷一百七

欽定四庫全書

欽定續通志卷一百八

地理畧六

元

元起朔漠并西域平西夏臣高麗定南詔太宗六年滅金  
得中原川郡世祖至元十三年平宋全有版圖踵遼金故  
跡仍都于燕立中書省一統山東西河北之地謂之腹裏  
行中書省十有一曰嶺北曰遼陽曰河南曰陝西曰四川曰

甘肅曰雲南曰江浙曰江西曰湖廣曰征東分鎮藩服中書

省路二十九曰大都

金大興府元世祖至元九年改置

曰上都

唐奚契丹地金置恒州元

世祖中統元年為開平府五年加號上都至元五年升為路

曰興和

金撫州元中統三年改升路

曰永

平

金平州元大德四年改升路

曰德寧曰淨州曰泰寧曰集寧曰應昌曰

全寧曰寧昌

集元史志以上七路皆缺今考淨州本仍余之舊集寧則金撫州屬縣特未知元於何年升置

改隸耳

曰保定

金保州元至元十二年改升路

曰真定

金真定府元至元中改為路

曰順

德

金邢州元中統三年改升順德府至元二年改為路

曰廣平

金洺州元至元十五年改升路

曰彰德

金彰德府元

至元中改路

曰大名

金大名府元改路

曰懷慶

金懷州元延祐六年改升路

曰衛

輝 金衛州元中統元年改升路 曰河間 金河間府元至二年改路 曰東平 金東平府

元至元九年改路 曰東昌 金博州元至元十三年改升路 曰濟寧 金濟州元至元八年改升

府十六年改為路 曰益都 金益都府元初改路 曰濟南 金濟南府元初改路 曰般陽

舊淄州元初升為路至元二年改淄萊路二十四年改今名 曰大同 金大同府元至元二十五年改

路 曰冀寧 金太原府元大德九年改置 曰晉寧 金平陽府元大德九年改置 直隸

省之州八曰曹曰濮曰高唐 金博州屬縣元至元中升為州 曰泰安曰

德曰恩曰冠 金大名府冠氏縣元至元六年升為州 曰寧海嶺北行中書

省路一曰和寧 舊名和林元初建都于此正元昌路皇慶元年更名 遼陽行中書

欽定四庫全書

卷一百八

省路七曰遼陽

金遼陽府元至元二十五年改路

曰廣寧

金廣寧府元至元十五年

改曰大寧

金大定府元至元七年改置

曰東寧

木高句驪地元至元八年置東寧府十三

年升為路

曰瀋陽

金瀋州元貞二年改升路

曰開元

金會寧府元至元二十三年改置

案元史志開元路即金會寧府又云開元萬戶治黃龍府考遼黃龍府金改為隆州非會寧也開元西北曰會寧府西曰黃龍府是會寧黃龍與開元相近而非即開元地也今仍其舊而識之

曰合蘭府碩

達勒達等路

金扶餘海蘭率瑣和囉噶等路及肇隆信三州之地

直隸省之府一

曰咸平河南江北行中書省路十二曰汴梁

金開封府元至元二

十五年改置

曰河南

金金昌府元初改為路

曰襄陽

宋襄陽府元至元中改為路

曰

蘄州

宋蘄州元至元中升為路

曰黃州

宋黃州元至元十四年升為路

曰廬州

宋廬州元

至元十四年升為路

曰安豐

宋壽春府安豐縣後建為軍元至元十四年升為路

曰安慶

宋安

慶府元至元十四年改為路

曰揚州

宋揚州元至元十四年升為路

曰淮安

宋楚州後改淮

安州元至元二十年升為路

曰中興

宋江陵府元天曆二年改置

曰峽州

宋峽州元至元

十七年升為路

直隸省之府七曰南陽

金南陽縣後升為申州元至元八年升為府

曰汝寧

金蔡州元至元三十年改升府

曰歸德曰高郵

宋高郵軍元至元十四年升為

高郵路總管府二十年改為府

曰安陸

宋鄂州元至元十三年改升府

曰沔陽

宋復州元至元

十三年升為路十五年更名為府

曰德安州一曰荊門

宋荊門軍元至元十四年升為

府十五年 陝西行中書省路五曰奉元金京兆府元至

西路皇慶元 曰延安金延安府元 曰興元宋興元府元

河州金河州元 曰圖沙鴉直隸省之府五曰鳳翔曰鞏

昌蔡元史志金為鞏昌府考金史地理志止 曰平涼曰

臨洮曰慶陽州二十七曰邠曰涇曰開成金鎮戎州元

為開成府至治 曰莊浪沿革關元初置莊浪 曰秦曰隴

曰寧曰定西曰鎮原金原州元 曰西和曰環曰金曰靜

寧金德順州元 曰蘭曰會曰徽宋鳳州河池縣元初別

初更名

置南鳳州至元中更今

名曰階曰成

唐舊州宋改同慶府元復舊名

曰金洋

本興元路二州元初有雷季二將挈

民戶歸附今遷至成州自行金洋州事

曰雅曰黎曰茂曰洮曰貴德

金積石州

西界元

曰岷

宋故岷州地元初復置

曰鐵曰文

案宋有文州元志無之惟有禮店文

州軍民府意即宋之文州又明志文縣注云本元文州是元自有文州而史闕之也今謹補入以符二十七州

之數而附識之

四川行中書省路九曰成都

宋成都府元改為路

曰嘉定

宋嘉州後升嘉定府元至元十三年改為路

曰廣元

宋利州元至元十四年改置

曰順慶

宋果州後升順慶府元至元二十年改為路

曰永寧

宋瀘州江安合江二縣地元至元二十五年置

路曰重慶

宋重慶府元至元十六年改為路

曰夔

宋夔州元至元十五年升為路

曰叙



州 宋叙州元至元十八年升為路 曰馬湖 古牂牁屬地舊名馬湖部直元至元十三年內附置路

隸省之府三曰潼川曰懷德 沿革 曰紹慶甘肅行中書

省路七曰甘州 唐甘州張掖郡宋初為西夏所據改鎮夷郡元初復為甘州至元八年升為路

曰永昌 唐涼州武威郡宋初為西夏府後入西夏元初仍為府至元十五年改為路 曰肅州

唐肅州酒泉郡宋初入西夏元至元七年改升路 曰沙州 唐沙州燉煌郡宋初西夏元至元十四年復立州十年改為路

年復立州十年升為路 曰額齊納 漢居延故城西夏立威福軍曰

寧夏 唐夏州朔方郡宋初入西夏元至元八年立西夏中興路二十五年更今名 曰烏拉海

開 直隸省之州二曰山丹 唐剛丹縣宋初入西夏置甘肅軍元至元六年為山丹城

訛判為山二十  
二年升為州  
曰西寧  
唐時沒于吐蕃號青唐城宋沒為西寧州元初為章吉駙馬分

地至元二十  
三年立州  
雲南行中書省  
雲南故滇王國漢武開置益州蜀漢置雲南郡唐為

姚州後沒于南詔元憲宗五年  
取其地至元十三年立行省  
路三十七曰中慶  
大理國曰

善闡府元憲宗五年立萬  
戶府至元十三年改置  
曰威楚開南  
俄碌夾地蠻酋威楚居此後附

蒙氏曰威楚郡元憲宗六年  
立萬戶至元八年改為路  
曰武定  
唐隸姚州大理國羅婺部元憲宗七

年立萬戶至元八年為  
北路十二年改本路  
曰鶴慶  
大理國曰謀統郡元憲

二千戶至元二十  
三年改升為路  
曰雲遠  
本南詔香柏城地元貞二年置路  
曰廣南  
關

曰麗江  
本越黨郡西徽地後為越析路所有  
總入南路元至元十三年改置路  
曰東川  
大理

國開畔部元憲宗時立萬戶至元曰茫部至元曰孟傑

十五年改軍民府二十八年置路曰茫部中置曰孟傑

秦定三年置案元志自東川路至此沿革皆闕今據

王圻續通考及一統志補之又按續通考云八百媳婦

請官守置木安孟傑二路于其地而元志但有孟傑路

無木安路明史志云元志孟頌路屬八百宣慰司元志

亦不載大抵元史之號于失部元憲宗七年立

多有失漏謹附識曰普安古夜郎地唐為盤州蠻酋據

萬戶至元十三年改置路曰曲靖唐曲靖二州南詔東蠻烏蠻居之

改置路曰激江唐羈縻州大理國羅伽部元憲宗六年

改令曰普定本羅甸普里部元改普曰建昌唐中都府

詔立城曰建昌府元曰德昌本南詔阿屈部元至

至元十二年改為路曰德昌元二十三年立為路曰會

路

川大理曰會川府元至  
元十四年改為路  
曰臨安唐隸  
郡段氏號秀山郡元憲

宗六年立萬戶至元八年改  
為南路十三年又改今名  
曰廣西東蠻烏蠻彌鹿等  
部所居元憲宗七

年內附至元  
十二年置路曰元江  
古西南夷地阿契諸部蠻據之名  
咸遠賧元至元二十五年置路

曰大理本漢楸榆縣地唐于昆明之弄棟州置姚州都  
督府南詔蒙氏立都于此本號大禮國後鄭趙

楊三氏互相篡奪至段思平改禮為理元憲宗六年立  
上下二萬戶至元七年併為路  
案王圻續通考云天

歷間升姚州為姚安  
路元志失載謹附識  
曰蒙憐曰蒙菜至元二十七年以  
蒙憐甸為蒙憐路

蒙菜甸為  
蒙菜路曰柔遠本契蠻地元至  
元十三年置路  
曰茫施本茫施蠻地

年置  
路曰鎮康本契蠻地元至  
元十三年置路  
曰鎮西曰平緬曰麓川以

三路皆白蠻地元

曰木連

至正二十六年置

曰蒙光曰木邦

舊名

孟都一名孟邦至元二十六

曰孟定

舊名景麻至元二十六

曰謀粘

泰定三年

置曰孟隆泰定三年置

曰木朶

至元三十年置以木朶甸置

曰蒙兀

朶元志自木連

以下並開合據王圻續通考及明史地理志補入

直隸省之府二曰仁德

本烏蠻新

丁部語訛為仁地元憲宗六年止萬戶至元十三年改置府

曰柏興

唐昆明縣大理曰香城郡元至

元二十七年置府

江浙行中書省路三十曰杭州

宋臨安府元至十五年

改為曰湖州宋湖州元至十三年升為路

曰嘉興

宋嘉興府元至十三年改為路

曰平江宋平江府元至十三年升為路

曰常州

宋常州元至十四年升為路

曰鎮

江 宋鎮江府元至元  
十三年升為路 曰建德 宋建德府元至元  
十四年改為路 曰慶元

宋慶元府元至元  
十四年改為路 曰衢州 宋衢州元至元  
十三年升為路 曰婺州 宋婺州元

至元十三  
年升為路 曰紹興 宋紹興府元至元  
十三年改為路 曰温州 宋瑞安府  
元至元十

三年改  
為路 曰台州 宋台州元至元  
十四年升為路 曰處州 宋處州元至元  
十三年升為路

曰寧國 宋寧國府元至元  
十四年改為路 曰徽州 宋徽州元至元  
十四年升為路 曰饒

州 宋饒州元至元  
十四年升為路 曰集慶 宋建康府元天  
曆二年改為路 曰太平 宋太平州

元至元十四  
年升為路 曰池州 宋池州元至元  
十四年升為路 曰信州 宋信州元

年升  
為路 曰廣德 宋廣德軍元至元  
十四年升為路 曰福州 宋福州元至元  
十五年升為路

曰建寧

宋建寧府元至元二十六年改為路

曰泉州

宋泉州元至元十五年升為路

曰興

化

宋興化軍元至元十四年升為路

曰邵武

宋邵武軍元至元十三年升為路

曰延平

宋南劍州元至元更今名

宋大德六年據福建通志

曰汀州

宋汀州

元至元十五年升為路

曰漳州

宋漳州元至元十六年升為路

直隸省之府一曰松

江宋秀州華亭縣元至元十四年升為府十五年更今名

州二曰江陰

宋江陰軍元至元十

四年升為路後降為州

曰鉛山

宋信州鉛山縣元至元二十九年升為州

江西行中書

省路一十八曰龍興

宋隆興府元至元二十一年改為路

曰吉安

宋吉州元貞

元年改升路

曰瑞州

宋瑞州元至元十四年升為路

曰袁州

宋袁州元至元十九年升為路

曰臨江

宋臨江軍元至元十四年升為路

曰撫州

宋撫州元至元十四年升為路

曰江

州宋江州元至元十四年升為路

曰南康

宋南康軍元至元十四年升為路

曰贛州

宋贛

州元至元十四年升為路

曰建昌

宋建昌軍元至元十四年升為路

曰南安

宋南安軍元至

元十四年升為路

曰廣州

宋廣州元至元十五年升為路

曰韶州

宋韶州元至元十五年升

路為路曰惠州

宋惠州元至元十六年升為路

曰南雄

宋南雄州元至元十五年升為路

曰

潮州

宋潮州元至元十六年升為路

曰德慶

宋德慶府元至元十七年改為路

曰肇慶

宋肇慶府元至元十七年改為路

直隸省之州九曰南豐

宋建昌軍南豐縣元至元

十九年升為州曰英德

宋英德府元降為州

曰梅曰南恩曰封曰新曰桂



陽

宋桂陽縣元至元十九年升為州

曰連曰循湖廣行中書省路三十

二曰武昌

宋鄂州元大德五年改升路

曰岳州

宋岳州元至元十三年升為路

曰常

德

宋常德府元至元十四年改為路

曰澧州

宋澧州元至元十四年升為路

曰辰州

宋辰

州元至元

曰沅州

宋沅州元至元十四年升為路

曰興國

宋興國軍元至元十四年

升為路

曰靖州

宋靖州元至元十三年升為路

曰天臨

宋潭州元至元十四年升為路天曆

二年更名

曰衡州

宋衡州元至元十四年升為路

曰道州

宋道州元至元十四年升為路

曰永州

宋永州元至元十四年升為路

曰郴州

宋郴州元至元十四年升為路

曰全州

宋全州元至元十四年升為路

曰寶慶

宋寶慶府元至元十四年改為路

曰武岡

宋武岡軍

元至元十四年升為路 曰桂陽 宋桂陽軍元至元十四年升為路 曰靜江 宋靜江

元至元十五年升為路 曰南寧 宋邕州元至元十六年升為路 曰梧州 宋

州元至元十六年升為路 曰潯州 宋潯州元至元十六年升為路 曰柳州 宋柳州元

年升為路 曰思明 宋羈縻思明州隸邕州元 曰太平 宋太平

州元至元二十年升為路 曰田州 宋羈縻田州隸 曰來安 曰鎮安

其以上五路元志皆不詳沿革今叅之宋史地理志取 之王圻續通考及明一統志並云宋于鎮安洞建右江

鎮安軍民宣撫司是宋邕州右江本有是洞而史失之

也以鎮安例推之并可知來安亦不 曰雷州 宋雷州元

年升為路曰化州宋化州元至元十五年升為路曰高州宋高州元至元十五年升為路曰

欽州宋欽州元至元十五年置曰廉州宋廉州元至元十七年升為路

直隸省之府三曰漢陽宋漢陽軍元至元十四年升為府曰平樂宋昭

府改升曰定遠沿革州十三曰歸曰茶陵宋茶陵軍元至元十九年升為

州曰耒陽宋衡州耒陽縣元至元十九年升為州曰常寧宋衡州常寧縣元至元十九年

升為州曰鬱林曰容曰象曰賓曰橫曰融曰藤曰賀曰貴

安撫司十五曰慶遠宋慶遠府元至元十三年置司曰乾寧宋瓊州元天曆二年

司置曰羅番曰程番曰金石番曰卧龍番曰大龍番曰小

龍番曰洪番曰方番曰盧番曰順元曰思州

宋舊州元初置司

曰播州曰葛蠻

自羅番以下至此皆八番順元蠻夷官

軍三曰南寧曰萬

安曰吉陽征東行中書省統高麗國府二曰瀋陽曰耽羅大率以省領路以路領州領縣而腹裏或有以路領府府領州州領縣者其府與州又有不隸路而直隸省者其地蓋北踰陰山西極流沙東際遼左南越海表云

欽定續通志卷一百八

欽定四庫全書

欽定續通志卷一百九

地理畧七

明

明太祖起淮右首定金陵西克湖湘東蕪吳會然後遣將  
北出并山東收河南進取幽燕芟除秦晉訖於嶺表最後  
削平巴蜀收復滇南禹跡所奄盡入版圖洪武初改元行  
中書省為布政使司以京畿應天諸府直隸京師置十三布

政使司分領天下府州縣及羈縻諸司又別置都指揮使司以領衛所其邊境海疆則增置行都指揮使司而於京師建五京都督府俾外都指揮使司各以其方附焉成祖定都北京乃以北平為直隸又增設貴州交趾二布政使司仁宣之際旋棄交趾終明之世為直隸者二曰京師曰南京為布政使司者十三曰山東山西河南陝西四川江西湖廣浙江福建廣東廣西雲南貴州諸衛所則視形便錯置其中京師領

府八曰順天

元大都路明洪武元年改為北平府永樂元年建北京改為順天府

曰保定

元保定路

明洪武元  
年改為府  
曰河間  
元河間路明洪  
武元年改為府  
曰真定  
元真定路明  
洪武元年改

為曰順德  
元順德路明洪  
武元年改為府  
曰廣平  
元廣平路明洪  
武元年改為府  
曰大

名元大名路明洪  
武元年改為府  
曰永平  
元永平路明洪武二年  
改平樂府四年更今名  
直隸

州二曰延慶  
元龍慶州明洪武初廢永樂十二  
年置隆慶州隆慶元年改今名  
曰保安

元隸上都路之順寧府明洪  
武初廢永樂十三年復置  
都指揮一曰萬全  
元順寧  
府明洪

武中廢宣德  
五年改置司  
行都指揮一曰北平  
洪武二  
十年置  
南京領府十

四曰應天  
元集慶路明初改應天府洪武元年建都曰  
南京十一年曰京師永樂元年仍曰南京

曰鳳陽  
元濠州明太祖吳元年升為臨濠府  
洪武六年改中立府七年更今名  
曰淮安  
元



安路明初 曰揚州 元揚州路明 曰蘇州 元平江路明太

蘇州 曰松江曰常州 元常州路明 曰鎮江 元鎮江路明

曰廬州 元廬州路明 曰安慶 元安慶路明 曰太平 元太

明初改 曰池州 元池州路明 曰寧國 元寧國路明 曰徽

州 元徽州路明 直隸州四曰徐曰滁曰和 洪武初廢 曰

廣德 元廣德路明 洪武四年改為州 山東布政使司領府六曰濟南 元

南路明初 曰兗州 元兗州明洪武 曰東昌 元東昌路明

曰青州 元益都路明初 曰萊州 元萊州明洪武 曰登州

元登州明洪武九年升為府 都指揮使司一曰遼東元遼東路明洪武八年改司

山西布政使司領府五曰太原元冀寧路明洪武元年改為府曰平陽

元晉寧路明洪武初改為平陽府曰汾州元汾州明萬曆二十三年升為府曰潞安元

州明嘉靖八年升為府曰大同元大同路明洪武初改為府直隸州三曰澤曰

沁曰遼行都指揮使司一曰山西洪武八年置河南布政使

司領府八曰開封元汴梁路明洪武元年改為開封府曰河南元河南府路明洪武

元年改為府曰歸德洪武初降為州嘉靖二十四年復舊曰汝寧曰南陽曰懷

慶元懷慶路明洪武元年改為府曰衛輝元衛輝路明洪武元年改為府曰彰德元彰德路

明洪武元年改為府 直隸州 一曰汝陝西布政使司領府八曰西

安 元奉元路明洪武二年改為西安府 曰鳳翔曰漢中 元興元路明洪武三年改為漢中府

曰延安 元延安路明洪武二年改為府 曰慶陽曰平涼曰鞏昌曰臨洮

元臨洮路明洪武初改為府 直隸州 二曰靈 洪武三年廢弘治十三年復置 曰興安

元金州明萬曆十一年更名 都指揮使司行都指揮使司各一曰陝

西四川布政使司領府十三曰成都 元成都路明洪武四年改為府 曰

保寧曰順慶 元順慶路明洪武中改為府 曰夔州 元夔州路明洪武四年改為府 曰

重慶 元重慶路明洪武中改為府 曰叙州 元叙州路明洪武六年改為府 曰龍安 元龍

州明嘉靖四十五年改為龍安府 曰馬湖 元馬湖路明洪武初改為府 曰鎮雄 元芒部路

明洪武十五年改為府 曰遵義 元播州宣慰司明萬曆二十九年改置 曰東川 元東川路

明洪武十七年升為府 曰烏蒙 元烏蒙路明洪武十七年改為府 曰烏撒 元烏撒路明洪

武十七年改為府 案 直隸州六曰潼川 元潼川府明洪武九年降

為 曰眉 洪武九年降為縣 曰邛 曰嘉定 元嘉定府路明洪武九年降為州

曰瀘 曰雅行都指揮使司 一曰四川 元羅羅蒙慶等處宣慰司明洪武二

十七年改置 江西布政使司領府十三 曰南昌 元龍興路明初改為洪都

府尋改 曰瑞州 元瑞州路明洪武初改為府 曰九江 元江州路明初

曰南康

元南康路明初改為西寧府尋改今名

曰饒州

元饒州路明初改為鄱陽府後改今

名

曰廣信

元信州路明初改為廣信府

曰建昌

元建昌路明初改為肇慶府尋改今名

曰撫州

元撫州路明初改為臨川府尋改今名

曰吉安

元吉安路明初改為府

曰臨

江元臨江路明初改為府

曰袁州

元袁州路明初改為府

曰贛州

元贛州路明初改為

府

曰南安

元南安路明初改為府

湖廣布政使司領府十五曰武

昌

元武昌路明初改為府

曰漢陽

洪武九年降為州十三年復為府

曰黃州

元黃州路

明初改

曰承天

元安陸府明洪武九年降為州嘉靖十年升為承天府

曰德安

洪武

九年降為州十三年復為府

曰岳州

元岳州路明初改為府

曰荊州

元中興路明初改為

荆州 曰襄陽 元襄陽路明 曰鄖陽 成化十二年置 曰長沙 元臨江路

明初為潭州府洪 曰常德 元常德路明 曰衡州 元衡州路明初

改為 曰永州 元永州路明洪 曰寶慶 元寶慶路明洪 曰

辰州 元辰州路明 直隸州二 曰柳 元柳州路明洪 曰靖

元靖州路明洪 浙江布政使司領府十一 曰杭州 元杭州路

明初改為 曰嚴州 元建德路明初改為 曰嘉興 元嘉興路明

曰湖州 元湖州路明 曰紹興 元紹興路明 曰寧波 元慶

明初改為明州 曰台州 元台州路明洪 曰金華 元婺州

改為寧越府

曰衢州

元衢州路明初改龍游府尋改今名

曰處州

元處州路明初

改為安南府

曰温州

元温州路明洪武初改為府

福建布政使司領

府八曰福州

元福州路洪武初改為府

曰興化

元興化路明洪武元年改為府

曰建

寧

元建寧路明洪武元年改為府

曰延平

元延平路明洪武元年改為府

曰汀州

元汀州路

明洪武元年改為府

曰邵武

元邵武路明初改為府

曰泉州

元泉州路明洪武元年改為府

曰漳州

元漳州路明洪武元年改為府

直隸州一曰福寧

洪武二年降為縣成化九年

年復置州

廣東布政使司領府十曰廣州

元廣州路明洪武元年改為府

曰

肇慶

元肇慶路明洪武元年改為府

曰韶州

元韶州路明洪武元年改為府

曰南雄

元南

雄路明洪武曰惠州元惠州路明洪武曰潮州元潮州路

元年改為府曰高州元高州路明洪武元改為府曰雷州元雷州路明洪武元改為府曰

廉州元廉州路明洪武元改為府曰瓊州元乾寧安撫司明洪武元改為瓊州府直隸

州一曰羅定元龍水縣明萬曆五年升為州廣西布政使司領府十一

曰桂林元靜江路明洪武元年改為府五年更今名曰平樂曰梧州元梧州

武元年改為府曰潯州元潯州路明洪武元年改為府曰柳州元柳州路明洪武元年改為府

曰慶遠元慶遠路明洪武元年改為府曰南寧元南寧路明洪武元年改為府曰思恩

元思恩州明正統四年曰太平元太平路明洪武二年改為府曰思明



元思明路明洪武二年改為府曰鎮安元鎮安路明洪武二年改為府直隸州九曰田

元田州路明洪武二年改為府嘉靖七年降為州曰歸順洪武初廢弘治九年復置曰泗城

曰向武洪武二十八年廢建文二年復置曰都康明初為夷獠所據建文元年復置曰

龍元龍州萬戶府明洪武二年改為州曰江曰思陵洪武三年廢二

祥永樂二年以思明府之憑祥鎮置縣成化十八年升為州雲南布政使司領府二

十曰雲南元中慶路明洪武初改為雲南府曰尋甸元仁德府明洪武十六年升為仁德

軍民府成化十二年改為尋甸府曰臨安元臨安路明洪武十五年改為府曰澂江元

江路明洪武十五年改為府曰廣西元廣西路明洪武十五年改為府曰廣南元廣

西

路安撫司明洪武  
十五年改為府  
曰楚雄  
元威楚開南路明洪武  
十五年改為楚雄府  
曰武

定  
元武定路明洪武  
十五年改為府  
曰景東  
元至順二年置明洪武十  
五年降為州十七年仍為

府  
曰鎮沅  
洪武三十五年置鎮沅  
州永樂四年升為府  
曰大理  
元大理路明  
洪武十五年

改為  
曰永寧  
元屬麗江永寧州路  
明永樂四年升為府  
曰蒙化  
元蒙化州明正  
統十三年升為

府  
曰順寧  
元置明洪武初降為  
州十七年仍升為府  
曰曲靖  
元曲靖路明洪  
武十五年改為

府二十七年  
升軍民府  
曰元江  
元元江路明洪武十五年  
改為府永樂初升軍民府  
曰姚安  
元姚

安路明洪武十五年改為  
府二十七年升軍民府  
曰鶴慶  
元鶴慶路明洪武十  
五年改為府三十年

升軍  
民府  
曰麗江  
元麗江路宣撫司明洪武十五  
年改為府三十年升軍民府  
曰永昌  
元永

昌府明嘉靖元年改軍民府

禦夷府二曰孟定

元孟定路明洪武十五年改為府

曰

孟艮

永樂三年置

直隸州二曰北勝

元北勝府明洪武中降為州

曰廣邑

本金齒軍民司之廣邑

禦夷州三曰威遠

元威遠州明洪武十七年

升為府後廢三年

曰灣甸

永樂元年置灣甸長官司三年升為州

曰鎮康

元

康路明洪武十五年升為府十七年降為州

貴州布政使司領府十曰貴陽

本程番府隆慶三年更名萬曆二十九年升軍民府

曰安順

元安順州明萬曆三十年升軍民府

曰都勻

本都勻安撫司弘治七年置府

曰平越

元平越長官司明萬曆二十九年改置軍民府

曰黎平

本思州宣慰司洪武十八年置後廢永樂十一年置黎平府

曰思南


元思南宣慰司

明永樂十一年改為府 曰思州 元思州宣慰司明永 曰鎮遠 元鎮遠府

明洪武四年降為州 曰銅仁 本思州宣慰司地 曰石阡

本思州宣慰司地 永樂十一年置府 其地蓋東起遼海西至嘉峪南至瓊

崖北抵雲朔東西萬餘里南北萬里



欽定續通志卷一百九

欽定四庫全書

史部

欽定續通志卷一百十

主事 臣 尹壯圖 覆勘

總校官 原任侍講 臣 王燕緒

欽定四庫全書

欽定續通志卷一百一

都邑畧

臣等謹案鄭樵作都邑畧謂天地設險之大者莫

如河其次莫如江中原無事則居河之南多事則

居江之南河南之都惟長安與洛陽江南之都惟

建業此特鄭氏一家之言其實堯舜禹之都當時

固皆在河北也唐承隋都長安本周秦舊地議都

邑者以此為首選然閱世久遠盛極而衰所謂地  
絕其脉水化其味者非復秦漢以前之舊五代梁  
都汴晉漢周因之國失馮依五十年中禍變相軋  
宋世因循不改四戰之衝以兵為衛靖康之際金  
兵長驅渡河矣南渡偏安臨安是宅識者謂其無  
意中原要亦時勢使然也遼金元皆起北方遷都  
燕薊燕地左環滄海右擁太行北枕居庸南襟河  
濟臨中夏而控北荒誠所謂扼天下之吭而拊其



背古稱天府之國形勝甲於宇內者是故金遷汴而中衰元都燕而一統及明祖卜居金陵而成祖復由燕起雖曰天命豈不由地勢便利有德易興哉然則論都邑者當以燕京為最上其視關中已衰之氣汴梁四戰之區固不可同日語矣而鄭樵獨取唐博士朱汴之議以南陽為建都之選非推之闡於地勢也是時燕為金有非南宋所能睥睨南陽之說特就一時方域之地以為彼善於此耳

豈議都之定論哉若明祖起自南方因取建康偏安之地為京邑而轉棄北平為藩封迨永樂遷都而一時臣工猶且胥動浮言則洵乎識時勢達地利者不易多得也謹述自唐迄明都邑續鄭志後若夫邑有宗廟曰都或溯發祥或備巡幸陪京之制歷代重焉史冊所載悉為條列以資稽考云

唐都

上都唐因隋京兆郡舊都初曰京城天寶元年曰西京

至德二載曰中京上元二年復曰西京寶應元年曰上

都在漢長安故城東南二十里

隋開皇二年移置

前直子午谷

後枕龍首山左臨灞岸右抵澧水京城長六千六百六十五步廣五千五百七十五步周二萬四千一百二十步崇丈有八尺

東都隋河南郡地曾置都武德四年廢貞觀六年號洛陽宮顯慶二年曰東都光宅四年曰神都神龍元年復曰東都天寶元年曰東京上元二年罷京寶應元年復

為東都在漢魏故洛城西十八里前直伊闕後據邙山  
左瀍右澗洛水貫其中有河漢之象都城東西五十六  
百一十步南北五千四百七十步崇丈有八尺

北都隋太原郡地天授元年置

通典作長壽元  
年今用新唐書

神龍元

年罷開元十一年復置天寶元年曰北京上元二年罷  
京寶應元年復為北都左汾右晉潛邱在中都城長四  
千三百二十一歩廣三千一百二十二歩周萬五千一

百五十三歩其崇四丈

汾東曰東城南觀十一年築兩  
城之間有中城武后時築南有

大明城故  
官城也

南都本江陵府隋為南郡武德四年改為荊州五年置  
大總管七年升為大都督貞觀二年降為都督府天寶  
元年改為江陵郡乾元元年復為荊州大都督府上元  
元年置南都號江陵府二年罷寶應元年又號南都尋  
罷

西都本鳳翔府隋扶風郡武德元年改為岐州天寶元  
年改為扶風郡至德二載置鳳翔府號西京上元二年

罷京寶應元年曰西都尋罷

南京本成都府隋蜀郡武德元年改為益州置總管府  
天寶元年改為蜀郡置大都督府十五載玄宗幸蜀駐  
蹕成都至德二載十月玄宗回京師十二月改蜀郡為  
府號南京上元元年罷京

臣

等謹案唐初以京北河南為兩都武后增置太

原為北都則為三都肅宗又置江陵為南都鳳翔  
為西都則為五都然江陵鳳翔旋置旋罷而三都

則歷世不改至德二載因玄宗幸蜀之故改蜀郡  
為南京蓋當時未有京名故蜀郡不在五都內也  
唐世都邑廢置不一自肅宗寶應以後始無復更  
張矣

### 五代都

梁太祖因宣武軍資力以篡唐因而居汴開平元年以  
汴州為開封府建東都以唐東都為西都

後唐莊宗同光元年即位於魏州升魏州為興唐府建

東京

五代史莊宗紀同光三年段東京為鄴都

以唐北都為西京尋復為北

都

冊府元龜後唐莊宗同光元年夏四月以太原為西京冬十一月改為北都 按後唐初以鎮州真定府

為北京後罷真定又以京兆為西京故改此

復京兆府為西京

冊府元龜後唐同光元年

復以永平軍大女府為西京京兆府

按通鑑天祐初朱全忠奏廢西京置佑國軍大女府又改為永平軍至

後唐始復歐史改京兆府在同光三年薛居正舊史作元年

以洛陽為洛京同光三

年復為東都

司馬光資治通鑑莊宗同光元年河南尹張全義請遷都洛陽從之 按五代史莊

宗紀同光元年如洛京三年始定為東都五代會要三年詳定院奏云近以中興大業以魏州為東京權名東

都為洛京今後以洛京為東都



晉高祖天福二年以汴州行宮為太寧宮三年升為東

京以洛陽為西京鄴都仍唐舊

五代會要天福二年改興唐府為廣晉府三年

復升為

鄴都

漢東京西京皆同晉制以太原為北京

冊府元龜漢高祖以天福十二

年二月即位於太原宮以太原為北京五代史高祖即位是年五月以太原尹劉崇為北京留守丙申如東京

六月甲子至自太原乾祐元年以晉鄴都廣晉府為大名府按大名府

唐改後唐曰興唐府晉曰廣晉府漢復舊名

周東京西京同晉制

十國都

吳江都府本揚州吳升府建都居之金陵府本昇州吳

升府

吳太和五年建都於金陵金陵火罷建都天祚三年以金陵為西都廣陵為東都

南唐東都吳曰江都府昇元元年建都西都吳曰金陵府昇元元年改江寧府建都南都本洪州交泰三年改

南昌府建都

前蜀成都府本益州蜀升府建都居之興元府本梁州

蜀升府

後蜀同前蜀制

南漢興王府本廣州乾亨元年升為府建都居之齊昌府本循州興寧縣乾亨元年置府

楚長沙府本潭州後唐天成二年封楚國王升為長沙府建都居之

吳越西府本杭州唐乾寧四年吳越置西府後亦謂之西都東府本越州唐乾寧四年吳越置東府後亦謂之東都

閩南都

一作東都

長樂府本福州龍啟元年置府天德二年

曰南都

荆南江陵府本荊州荆南置府建都居之

北漢太原府本并州北漢置府建都居之

臣等謹案五代京邑相因建改不一名雖異而實

多同十國當時稱帝改元者七吳越荆楚常行中

國年號至於置都則惟南唐及閩餘皆稱府吳越

雖或稱東都西都然其先未有置都之名也諸國

割據一方自相雄長既已置府建都應存其實謹  
依鄭志十六國都之例以時代次於唐五代之後

### 宋都

東京汴之開封也梁為東都後唐罷晉復為東京宋因  
周之舊為都舊城周二十里一百五十五步周顯德三

年築

按宋東京有新舊二城宋朝會要云自朱梁建都  
以汴州為東京皆因藩鎮舊制但改名額而周顯

德初始廣新城王應麟地理通釋曰東京開封府舊城  
唐建中初築宋曰關城亦曰裏城新城周顯德三年韓  
通築宋曰國城亦曰外城新城周五十里百六十五步

大中祥符九年增築元豐

元年重修政和六年詔有司度園  
之南展築京城移置官司軍營

西京唐顯慶間為東都開元時改河南府宋為西京山

陵在焉京城周五十二里九十六步

隋大業元年築唐  
長壽二年增築

南京大中祥符七年建應天府為南京京城周一十五

里四十步

北京慶曆二年建大名府為北京京城周四十八里二

百六步

行在所建炎三年閏八月高宗自建康如臨安以州治

為行在所

臣等謹案宋設四京以開封為東京河南為西京  
應天為南京大名為北京開封即屬京東路後為  
京畿東路府河南為京西北路府應天初為宋州後  
為京東西路府大名為河北東路府高宗倉皇渡  
江駐蹕吳會其始但稱行在所不以京名示不忘  
恢復之意然百五十年中終不能復中原尺寸雖  
由天命而地勢之不利又豈得與中土相抗衡哉

遼都

上京本契丹故壤太祖取天梯蒙古必魯等三山之勢於葦甸射金甌箭以識之謂之龍眉官神冊三年城之名曰皇都會同元年更名上京府曰臨潢其地負山抱海太祖平渤海歸乃展郭郭建宮室上京城高二丈不設敵樓幅員二十七里其北謂之皇城高三丈有樓櫓

南城謂之漢城

按契丹國志上京乃大部落之地離來州數十里即行海岸有納都木威河其

東北三十里即長泊也涉沙磧過白馬波渡土河亦云崇崇瑪聚沙成墩少人烟多林木其河遠平處國主曾



於此過冬又至木葉山三十里許有居人瓦屋及僧舍  
納都木威舊作納都烏崇崇瑪舊作撞撞木今並改

東京本朝鮮之地唐武后時有且且綱桑者保有其地  
武后封為震國公傳子祚榮建都邑自稱震王中宗賜  
所居曰呼爾罕州封渤海郡王十有二世至曩震僭號  
改元為遼東盛國呼爾罕州即平壤故地時號中京顯  
德府太祖攻渤海拔其城神冊四年為東平郡天顯三  
年升為南京會同元年改為東京府曰遼陽城名天福  
高三丈有樓櫓幅員三十里宮城在東北隅高三丈具

敵樓外城謂之漢城

中京自漢至唐奚族居之太祖建國奚人臣屬聖宗嘗  
過七金山土河之濱南望雲氣有郭樓闕之狀因議  
建都統和二十五年城之實以漢戶號曰中京府曰大

定契丹國志云中京承天太后建地居上東燕三京之中土肥人曠西臨馬盂山六十里其山南北一千里

東西八百里連亘燕京西山遂以其地建城號曰中京  
按承天太后景宗蕭后也是時聖宗雖在位而太后

專政故以建中京為太后云

臣等謹案遼時鎮州亦曾有中京之稱乃太宗大

同元年南征時所立五代史載世宗於中京即皇帝位者是也未幾即入於北漢惟聖宗所建之大

定府稱為中京

南京本幽州范陽郡地石晉所獻會同元年升為南京府曰幽都開泰元年改府名曰析津仍置南京亦曰燕京城方三十六里崇三丈衡廣一丈五尺敵樓戰櫓咸具

西京本雲州雲中郡地亦石晉所獻重熙十三年升為

西京府曰大同城廣袤二十里敵櫓柵櫓咸具時元魏

宮垣遺址尚在遼既建都以為重地命親王主之

按契丹國

志載四京本末有上中東南而無西故曰四京然大同建都實在興宗之世葉隆禮但稱四京誤矣

臣等謹案遼初國號契丹不設都名其所居曰西

樓西樓者即上京也國初設四樓在木葉山者曰

南樓在龍化州者曰東樓在唐州者曰北樓與西

樓而四歲時遊獵皆出入其間至太祖始建皇都

太宗即皇都為上京更置東京南京為三京聖宗

置中京興宗置西京而五京具焉

金都

上京本海古勒之地金之舊土也國言金曰愛新以愛  
新水源於此故名金源建國之號蓋取諸此國初稱為  
內地天眷元年號上京海陵貞元元年遷都於燕削上  
京之號止稱會寧府大定十三年七月復為上京

東京本遼東京太宗天會十年改南京路平州軍帥司  
為東南路都統司之時嘗治於此以鎮高麗皇統四年

立東京新宮

北京遼曰中京金初因之海陵貞元元年改曰北京

西京本遼西京大定五年建宮室

中都遼曰南京亦曰燕京

間泰元年號燕京

海陵貞元元年定

都以燕乃列國之名不當為京師號遂改為中都府曰  
大興

南京金初曰汴京貞元元年曰南京貞祐二年遷都焉

臣等謹按金起於混同江至顯祖徙居海古勒水

始築室有棟宇之制人呼其地為額訥格爾額訥  
格爾者漢語居室也自是定都於愛新之側稱為  
京師至熙宗升京師為上京海陵天德貞元之間  
又定都燕京曰中都以汴京為南京中京為北京  
上京罷京號世宗復上京宣宗遷都南京而都邑  
之制遂定初宣宗議遷河中朝臣以河中背負關  
陝僻阻河朔城邑不及汴梁其議遂寢又臨潢府  
遼為上京金初因稱之天眷元年改為北京貞元

元年以大定府為北京復罷臨潢府路入大定府  
路故不在四京之列

元都

大都金曰中都元太祖十年克燕為燕京路至元元年  
加號中都四年始於中都之東北置城而遷都焉九年

改大都

元史劉秉忠傳命秉忠築中都城建宗廟宮  
室八年秦建國號曰大元而以中都為大都京

城右擁太行左挹滄海枕居庸莫朔方城方六十里

上都金桓州元初為扎拉爾部烏魯郡王營幕地憲宗



命世祖居之為巨鎮中統元年為開平府四年以關廷

所在加號上都每歲一巡幸

元史劉秉忠傳初帝命秉忠相地於桓州東灤水北

建城於龍岡名曰開平繼升為上都

和琳太祖建都於此因其地西有哈喇和琳河以名亦

曰元昌復曰和寧

按順帝太子亦都於此稱號曰北元

臣等謹按元起於和琳世祖居開平渾一天下既

改號踵遼金故事定都於燕以開平為上都燕京

為大都而和琳則前後五代所都置行中書省為

嶺北要地焉

明都

京師順天府洪武元年曰北平府

按寰宇通志洪武初改大都路為北平府

縮其城之北五里

永樂元年建為京改府名京城周四十五里

按明成祖實錄永樂十七年十一月拓北京城南計二千七百餘丈

嘉靖二十三年築重

城包京城之南轉抱東西角樓長二十八里

按嘉靖實錄二十一

年兵部尚書聶豹等相度京城外四面宜築外城約七十餘里後以工費重大成功不易先築南面四十二年

增修各門甃城

南京應天府

元集慶路屬  
浙江行省

太祖丙申年曰應天府洪武

元年建都曰南京十一年曰京師永樂元年仍曰南京

京城周九十六里

洪武三年九月始建  
新城六年八月成

洪武二十二年

建外城周一百八十里

中都鳳陽府太祖吳元年曰臨濠府洪武二年置都六年曰中立府七年改名城周五十里四百四十三步

臣等謹按明初設二京一都以應天府為京師開

封府為北京鳳陽府為中都洪武十一年罷北京

永樂定都北平改為京師加應天為南京於是復  
為二京鳳陽仍中都之號嘉靖十年又升安陸州  
為承天府十八年建興都然明世稱京都者不數  
承天蓋嘉靖特以陪藩故邸隆其稱號故不得與  
二京中都並稱云

四夷都

臣等謹按鄭志於歷代都邑後附列四夷都其有  
不知都邑所在者但云其國在某處而已蓋外國

荒遠史有詳畧未能一一詳其都會也考都邑畧載歷代建都之處所以明王者建邦設都天時地利各有馮藉因以覘其得失足為考鏡之資若四夷諸國或居海島一隅幅員逼促或逐水草所在遷徙靡常史冊有云其王治某處者亦但據朝貢中國一時所聞者書之其前後所居靡得而詳焉且通志自有四夷傳在無須複載惟唐之南詔宋之西夏明之安南其立國建都皆仿倣內地而朝

鮮世通朝貢都邑變遷亦有可紀他若元太子之  
都和琳既附注元都下明世之通西洋諸國皆遠  
在海外既詳四夷傳中茲槩不錄

朝鮮初都平壤後以新羅為東州樂浪府號東京百濟  
為金州金馬郡號南京平壤為鎮州號西京西京最盛

總之凡三京

按朝鮮箕子封國漢末高氏改國號曰高麗又曰高句麗後唐時王氏兼併新羅百

濟地明洪武時李氏更國號仍曰朝鮮

南詔

後為大禮國又改大理國都羊咀咩城別都曰善闡府唐開元

末徙治大和城

西夏宋咸平間都靈州

按唐貞觀時拓跋赤辭歸唐賜姓李賈靜遠等州以處之其後

析居夏州者號平夏部自是世有西土宋咸平五年李繼遷攻陷靈州以為西平府六年遂以為都乾興

間都興州

大中祥符間李德明大起宮室於銀子山乾興末城使速鎮為興州以居子元昊仍居興

州陞河依順州山以為間

安南本交趾地明宣德時黎氏都交州曰東都

即唐都護治所

以清華府為西都

欽定續通志卷一百十



欽定四庫全書

史部

欽定續通志卷百十二

主事臣尹壯圖覆勘

總校官原任侍講臣王燕緒

欽定四庫全書

欽定續通志卷一百十一

禮畧

臣等謹案五禮之名肇自虞書其吉凶軍賓嘉之  
目則見於周禮春官宗伯之掌自秦以還禮教散  
軼漢興諸儒綴輯傳註遺經賴以不亡要亦未遑  
更定一代之制魏晉而降時有述作至唐開元時  
詔學士等因貞觀顯慶所修五禮集開元禮一百

五十卷其討論刪改參酌古今為近代言禮者之  
冠貞元中京兆杜佑網羅舊聞纂輯前古以來沿  
草故事為禮典六十五卷別為開元禮纂三十五  
篇規制粲然大備宋鄭樵撰通志準杜氏成式作  
禮略四卷大要汰其儀文撮其綱領間述杜氏論  
撰或別加採錄折衷古義以附本條之下其次序  
時代亦多訖於開元禮而止雖其援據證明未若  
杜氏之該洽要之因革損益之大端亦云備矣竊

惟代有興廢制有異同其勢然也戴記禮器之文  
曰禮時為大是以三王異世不相襲禮唐自開元  
而後祕書郎韋公肅撰禮閣新儀三十卷太常博  
士王彥威復集五禮裁制勅格為曲臺新禮三十  
卷又續曲臺禮三十卷並損益舊章以合時變後  
唐明宗嘗詔太常卿劉岳等刪定鄭餘慶書儀周  
世宗顯德中勅竇儼依唐會要門類編大周通禮  
宋太祖開寶初命御史中丞劉溫叟等撰開寶通

禮二百卷又通禮義纂一百卷仁宗天聖初太常  
博士王皞為禮閣新編六十卷景祐間賈昌朝撰  
太常新禮嘉祐初歐陽修蘇洵等奉勅撰太常因  
草禮大觀政和時詔鄭居中等撰五禮新儀二百  
四十卷南宋紹興初命禮官續太常因草禮嘉泰  
二年禮部尚書費士寅等奏進所續中興禮書八  
十卷嘉定六年秘書少監李璣上通禮三卷他若  
陳祥道禮書司馬光書儀韓琦范祖禹呂大防諸

家祭式祭儀各有撰述朱子在光宗朝欲請置局  
編次儀禮經傳事雖未果而其門人黃幹楊復所  
編經傳通解其書固至今存焉遼初風尚質樸太  
宗克晉後文明日起遼史所載有遼朝雜禮及陳  
大任遼禮儀志金則有大金集禮金纂修雜錄等  
書事物名數最為詳贍元自世祖始制朝儀泰定  
四年博士李好文撰太常集禮五十卷天曆中詔  
儒臣修經世大典作禮典上中下篇其目三十有

二明洪武初講求典禮首定郊社宗廟祀事尋命諸臣纂集禮書又詔郡縣舉博雅之士赴局編輯爰有洪武禮制洪武禮法禮制集要太常集禮等書無慮數十種其間釐正祀典一洗前代矯誣之失至嘉靖中世宗定明倫大典頗以制作禮樂為事其時議禮諸臣希旨苟容未免為世詬厲然所頒嘉靖祀典郊祀通典亦大有可甄錄焉夫自唐訖明風會與世移易古稱議禮之家紛如聚訟矧

時代迭更閱八百餘歲之久其純駁互見文質異  
宜殆亦更僕難數今稽諸正史旁綜書傳續撰禮  
畧若干卷其以嘉次吉軍凶後賓及篇目次第條  
析部分則一循鄭志之舊云

吉禮一

郊天

唐高宗顯慶二年詔南郊祈穀孟夏雩明堂大享皆祭  
昊天上帝罷感帝祠

太尉長孫無忌議曰據祠令及新  
禮並用鄭立六天之義園立祠昊



天上帝南郊祭太微感帝明堂祭太微五天帝謹按鄭  
玄此義惟據緯書所說六天皆指星象謂圜丘所祭昊  
天上帝為北辰耀魄寶郊祀及明堂為太微五帝周易  
云日月麗乎天又云在天成象足明神象非天且天地  
各一是曰兩儀天尚無二馬得有六是以王肅羣儒咸  
駁此義又圜丘即郊異名同實而鄭說分為兩祭啓藝  
郊天自以祈穀而謂為感帝之祭事甚不經理宜改革  
從之 案無忌此議新舊唐書作顯慶二年許敬宗等  
議通典作永徽二年無忌等議

今據唐會要及馬氏通考輯 乾封初詔祈穀復祀感

帝司禮少常伯郝處俊奏顯慶禮廢感帝之祀改祈穀  
為祀昊天上帝以高祖配舊禮感帝以世祖元皇帝配  
今既復祈穀為感帝高祖已配圜丘昊天上帝又配感

帝恐平周人禘嘗郊稷之義從之又詔園立以高祖太

宗同配武后垂拱元年詔有司議郊立明堂嚴配之禮

用鳳閣舍人元萬頃范履冰之說郊立諸祠皆以高祖

太宗高宗並配

成均助教孔元義請奉太宗高宗配園立及明堂神堯配感帝於南郊太子右

諭德沈伯儀議神無二主之道高祖請配園立方立太

宗請配南郊北郊高宗制禮作樂告禪升中理當總配

五天元萬頃等議謹案見行禮昊天上帝等五祠咸奉

高祖太宗兼配今議者遠撫遺文近垂成典伏據見行

禮高祖太宗既先配五祠理當依舊

請奉高宗歷配五祠制從萬頃等議

天冊萬歲元年親享南郊始合祭天地睿宗太極元年祭昊天上帝於南

郊不設皇地祗位玄宗開元十一年親享圜丘奉高祖配始罷三祖並配之禮天寶元年合祭天地於圜丘自是有事圜丘皆合祭肅宗寶應元年太常卿杜鴻漸等言周人祭天圜丘配以遠祖高祖非始封之君不得為

太祖以配天地乃罷高祖以太祖景皇帝配

諫議大夫黎幹以為

太祖非受命之君不宜配天作十詰十難以非之書奏不報寶應二年六月久旱言事者以為高祖不得配之過詔羣臣議太常博士獨孤及以為景皇帝始封於唐天所命也由是配享不易

憲宗元和十

五年十二月宣問有事南郊合卜日與否禮官奏曰自

天寶以後凡欲郊祀必先朝太清宮次日饗太廟又次日饗天相循至今並不卜日從之

梁太祖開平三年正月有事於南郊

後唐莊宗南郊合祭天地以獻祖文皇帝配明宗南郊一並於洛陽郊壇

周太祖廣順三年九月太常禮院奏定郊廟制度洛陽郊壇在城南七里丙巳之地圍丘四成十二陛每節十二等燎壇在泰壇之丙地方一丈高一丈二尺開上南

出戶方六尺請下所司修奉從之

宋郊壇在都城南薰門外

太祖開寶九年南郊仍於洛陽郊壇時有從洛之意故西

幸而特行禮云

太祖乾德元年十一月合祭天地於園立奉宣

祖配太宗太平興國三年十一月合祭於南郊奉太祖

配

宋初南郊四祭及感生帝皇地祇神州凡七祭以僖祖順祖翼祖宣祖迭配而太祖親郊者四並以宣祖

配

太宗即位以宣祖太祖更配是年合祭天地始奉太祖并侑焉

雍熙元年從禮儀使

扈蒙議以宣祖配天於園立太祖配上帝於明堂淳化

四年從禮儀使蘇易簡議親祀郊立奉宣祖太祖同配

其常祀祈穀神州明堂以宣祖配圜丘北郊雩祀以太  
祖配真宗即位有司上言圜丘雩祀方丘請奉太宗配  
祈穀明堂奉太祖配感帝神州奉宣祖配其親祀圜丘  
奉太祖太宗並配詔可真宗大中祥符四年判太常禮  
院孫奭言準禮冬至祀圜丘有司攝事以天神六百九  
十位從祀今惟有五方上帝及五人神十七位天皇大  
帝以下並不設位且太昊勾芒惟孟夏大雩季秋大享  
及之今乃祀於冬至恐未叶宜翰林學士晁迥等議如

爽所請以開寶通禮神位為定其有增益者如後勅仁宗即位禮官定遷郊祀配帝祈穀神州以太祖配霄祀及昊天上帝皇地祇以太宗配感帝以宣祖配明堂以真宗配親祀郊丘以太祖太宗配天聖二年八月太常禮院言南郊合行薦告之禮望降所用日詔將來玉清

昭應宮景靈宮太廟同日行禮

景祐五年侍講賈昌朝言朝廟之禮本告以配

天享侑之意合於舊典所宜奉行其景靈宮朝謁本沿唐世太清宮故事有遠經訓固可改革望將來朝廟前未行此禮俟郊禮成詣景靈宮恭謝所冀尊祖事天禮簡誠至皇祐五年馬

皇祐五年馬次通考作景

祐二年案禮志載諫官楊畋奏論及禮院議俱作皇祐詔書三聖並侑則作景祐者誤今據禮志輯郊詔

三聖並侑嘉祐六年禮院言對越天地神無二主皇祐詔書三聖並侑後復迭配未幾復並侑以為定制雖出孝思頗違經典下兩制議翰林學士王珪等請如禮官議七年詔南郊以太祖定配神宗元豐元年樞密院陳襄等言伏承聖意以天地合祭於圜丘為非典禮之正詔令更定臣謹案周禮大司樂以圜鐘為宮冬至於地上之圜丘奏之六變以祀天神以函鐘為宮夏至



於澤中之方立奏之八變以祭地祗夫祀以冬日至者以陽氣來復於上天之始也宮用夾鍾以帝出乎震也謂之圜者取其形以象天也三一之變合陽奇之數也祭以夏日至者以陰氣潛萌於下地之始也宮用林鍾於坤之宮以萬物致養於坤也謂之函者取其容以象地也二四之變合陰偶之數也又大宗伯以禋祀實柴禋燎祀其在天者而以蒼璧禮之以血祭沈豕鬻辜祭其在地者而以黃琮禮之皆所以順其陰陽辨其時位

倣其形色此二禮之不得不異也去周既遠先王之法不行漢元始中附會周官大司樂之說謂當合祭故天地共犢禮之失自此始陛下恢五聖之述作舉百王之廢墜臣以為既罷合祭則南北二郊自當別祀於是詔

禮官講求六年冬至郊祀昊天上帝以太祖配始罷合

祭不設皇地祗位

宋初郊禮止服袞冕至是稽古始加服大裘而被以袞冕案分祭之說

得矣然方立儀制必準圜立而是時圜立之禮尚沿五代其費用較唐尤甚如百官之有蔭補諸軍之有賞賚皆襲靡文而不求禮意之實故蘇軾得哲宗元祐七年以帑藏空竭為言而古制卒不可復也

七月詔冬至日南郊宜依故事設皇地祇位禮畢別議

方澤之禮以聞八年四月丁巳詔南郊合祭天地罷禮

部集官詳議

初詔議南北郊典禮蘇軾主合祭從之者五人劉安世主分祭從之者四十人既而

朝廷再令詳定安世復議畧云古者求神以類天陽物也地陰物也歲時日月方位牲器樂舞皆從其類今議者棄聖人成法擬用王莽不經之說至引夫婦同牢私褻之語潰亂天地又引昊天有成命之詩以為証臣等竊詳此詩終篇未嘗有合祭之文序乃後儒之辭亦謂圓丘方澤各歌此詩如潛之序曰季冬薦魚春獻鮪也豐年之序曰秋冬報也噫嘻之序曰春夏祈穀於上帝也如此之類不知為一祭即抑二祭也會有旨罷議安得世上 紹聖元年右正言張商英言先帝謂天地合祭

非古請詔禮部太常寺詳議以聞用蔡京等議罷合祭  
徽宗建中靖國元年詔初郊權合祭天地於園丘起居  
郎周常以為非曾布主其說乃罷合祭高宗建炎二年

駕幸揚州築壇於州南門內江都縣之東南是歲冬至

祀昊天上帝以太祖配

素通考作合祭天  
地今據宋史輯

紹興十二年

詔建園壇於臨安府行宮東南城外十三年合祭天地  
以太祖太宗並配

遠不建郊丘而以祭山為大禮其儀設天神地祇位於

木葉山有樹木懸牲告辨班位奠祝致嘏飲福諸禮

金之郊祀本於其俗有拜天之禮

犒牛中元重九拜天射柳歲以為常

太

宗即位乃告祀天地蓋設位而祭也天德以後始有南

北郊之制大定明昌其制寢備南郊壇在豐宜門外當

闕之已地園壇三成成十二陛各按辰位壇牆三匝四

面各三門壇壝皆以赤土圻之冬至日合祭昊天上帝

皇地祇於園丘大定十一年始郊命宰臣議配享之禮

左丞石琚言兩漢魏晉以來皆配以一祖至唐高宗始

以高祖太宗並配垂拱初又加以高宗宋亦嘗以三帝配臣謂冬至親郊宜從古禮帝曰唐宋以私親不合古不足法今止當以太祖配

元興朔漢代有拜天之禮衣冠尚質祭器尚純帝后親之宗戚助祭憲宗二年八月始以冕服拜天於日月山

十二月

十二月元史祭祀志作  
十二日今據本紀更正

又用孔氏子孫元措言

合祭昊天后土大合樂作牌位以太祖睿宗配享世祖中統二年親征北方四月親祀天於舊桓州之西北灑

馬壇以為禮皇族之外無得而與皆如其初至元十二年以受尊號告祭天地於國陽麗正門東南七里建臺以祭自後國有大事皆即南郊告祭成宗即位始為壇於都城南七里遣司徒諤都岱為大行皇帝請謚成宗大德六年三月合祭昊天上帝皇地祇五方帝於南郊遣左丞相哈喇哈斯攝事九年右丞相哈喇哈斯等言祭天國之大事也陛下雖未及親行宜如宗廟社稷遣官攝祭歲用冬至於是命議郊祀禮中書集議曰冬至

園丘惟祀昊天上帝至西漢元始間始合祭天地王莽  
之制何可法也今循三代之典惟祀昊天其方丘之禮  
續議以聞又議前代以祖宗配享今宗廟已依時祭郊  
禮專祀昊天為宜詔可七月築郊壇於麗正文明門之  
南是歲郊配位遂省武宗至大三年十一月有事於南  
郊以太祖配五方帝日月星辰從祀文宗至順元年十  
月辛酉始服大裘袞冕祀昊天上上帝於南郊以太祖配  
十二月戊午以郊禮成御大明殿受朝賀大赦自世祖



混一六合至文宗凡七世而南郊親祀始克舉焉蓋器  
物儀注至是益加詳慎矣

明太祖洪武元年中書省臣李善長等進郊祀議言當  
遵古制分祭天地冬至則祀昊天上帝於圜丘以大明  
夜明星辰太歲從祀從之建圜丘於鍾山之陽二成四  
出陛陛皆九級又定郊祀宗廟歲必親祀以為常是歲  
有事於南郊有司議配祀太祖謙讓不許二年祀上帝  
於圜丘以仁祖配位第一成西向七年更定內壇之內

東西各三壇星辰二壇分設於東西其次東則太歲五岳西則風雲雷雨五鎮內壇之外東西各二壇東四海西四瀆次天下神祇東西分設十年秋太祖感齋居陰雨覽京房災異之說謂人君事天地猶事父母不宜分處遂改定為合祀即圜丘舊制以屋覆之名曰大祀殿凡十二楹中石臺設上帝皇地祇座每歲正月中旬擇日合祭奉仁祖配從祀丹墀四壇大明壇一夜明壇一星辰壇二內壇外二十壇五嶽壇五五鎮壇五四海壇

四四瀆壇一風雲雷雨壇一山川壇一太歲壇一天下神祇壇一歷代帝王壇一凡二十四壇大臣分獻建文元年正月庚辰大祀天地於南郊奉太祖配成祖遷都北京建壇正陽門南之左規制悉如南京仁宗洪熙元年正月丙戌大祀天地於南郊以太祖太宗配世宗嘉靖九年既定明倫大典益覃思制作之事郊廟百神咸欲斟酌古法釐正舊章謂大祀殿乃屋下祭帝非祭天之禮天地合祭亦非專事上帝以問大學士張璉而璉

言祖制已定不敢輕議帝再卜之奉先殿太祖前亦不  
吉議且寢會夏言上疏請舉親蠶禮帝以古者天子親  
耕南郊后親蠶北郊適與所議郊祀相表裏因令璵諭  
言陳郊議言因上疏言國家合祭天地及太祖太宗之  
並配諸壇之從祀舉行不於長至而於孟春皆不應古  
典宜令羣臣博考詩書禮經所載及漢宋諸儒匡衡劉  
安世朱熹等之定論以及國初分祀之舊制陛下稱制  
而裁之此中興大業也帝敕禮部及羣臣各陳所見於

是禮部集上羣臣所議郊禮分祭合祭言人人殊卒用  
夏言說命改築圜丘壇定分祭之制帝又以夏言議降  
諭欲於二至日奉太祖配南北郊歲首奉太宗配上帝  
於大祀殿張璵等言古者郊與明堂異地故可分配今  
圜丘大祀殿同北郊壇冬至禮行於報而太宗不與孟  
春禮行於祈而太祖不與實所不安帝曰萬物本乎天  
人本乎祖天惟一天祖亦惟一祖止當以高皇帝配文  
皇帝功德非不可配天但開天立極高皇帝肇之耳如

周之王業武王實成之而配天止以后稷配上帝止以  
文王未聞當時爭論功德也因命寢其議已而夏言復  
上言二祖並配之非帝命申議於是禮臣復上議請南  
郊太祖專配大祀殿仍奉二祖配從之然帝心終以並  
配為未當十年正月祈穀禮畢諭嗣後大報與祈穀止  
奉太祖配十八年改行祈穀之祭於大內之元極寶殿  
不奉配遂為定制

明初無祈穀禮嘉靖十年始行之至隆慶初而罷

神宗萬曆

三年大學士張居正進郊禮圖冊言高皇帝初定郊禮

分祭十年而竟定於合祭者誠以古今異宜適時為順故舉以歲首人之始也卜以春初時之和也歲惟一舉事之節也為屋而祭行之便也列聖相承莫之或易今以冬至極寒而裸將於星露之下夏至盛暑而駭奔於炎歊之中六飛再駕以時以義斯為戾矣且成祖再造宇宙功同開創配享百餘年一朝而罷之於人亦有大不安者竊以為宜遵高皇之舊制循列聖之攸行歲惟一舉合祀之禮於大祀殿而奉二祖並配從之

大雩

唐肅宗乾元二年以久旱徙東西二市祭風伯雨師修  
雩祀為泥土龍望祭名山大川以祈雨代宗大曆九年  
七月久旱京兆尹黎幹歷禱諸祠德宗貞元元年分命  
朝臣禱羣神以祈雨十九年自正月不雨至於五月命  
分禱山川

梁太祖開平二年令近鎮按古法禳祈旬日乃雨乾化  
二年三月雨澤愆期令宰臣於魏州靈祠祈禱



後唐莊宗同光二年孟夏雩祀奉太宗文皇帝配

晉高祖天福八年五月命宰臣分詣寺觀禱雨

宋制孟夏雩祀昊天上帝為大祀初以四祖迭配太宗時以宣祖太祖更配真宗時以太宗配自宋初以來凡旱潦蟲蝗無雪或親禱諸寺觀甚則再幸或撤樂減膳進蔬饌或分遣官告天地太廟社稷歡鎮海瀆或望祭於南北郊或五龍堂城隍廟九龍堂浚溝諸祠如子夏子張信陵君段干木等廟亦祀之或啓建道場於諸寺

觀或遣內臣分詣諸州如河中之后土廟太寧宮亳之  
太清明道宮充之會真景靈宮太極觀鳳翔府之太平  
宮舒州之靈僊觀江州之太平觀泗州之延祥觀皆丞

香奉祝驛往禱之真宗咸平元年以旱遣使禱衛州百

門廟白鹿山二年旱詔有司祭雷師雨師

內出李邕祈  
雨法以甲乙

日擇東方地作壇取土造青龍長吏齋三日詣龍所汲  
流水設香案茗果饗餼率羣官卿老日再至祝酹不用  
音樂巫覡兩足送龍水中餘四方皆如之飾以方色大  
凡日干及建壇取土之里數器之大小龍之修廣皆取  
土生成之數  
景德三年有司言今年四月五日雩祀上  
詔頒諸路

帝十三日立夏祀赤帝按月令立夏之日天子迎夏於南郊注云迎夏為祀赤帝又云是月也大雩注云春秋傳曰龍見而雩謂建巳之月陽氣盛而常旱萬物待雨而長故祭天以祈雨龍見謂角亢也立夏後昏見東方又按五禮精義云自周以來歲星差度今之龍見或在五月以祈甘雨於時已晚請自今並於立夏後卜日如立夏在季春則待改朔庶時節協於純陽典禮符於舊史奏可大中祥符二年旱遣司天少監史序祀玄冥五

星於北郊除地為壇望祭已而雨足遣官報謝舊制不  
祈四海至是特命祭之神宗熙寧元年正月帝親幸寺  
觀祈雨仍令在京差官分禱各就本司先致齋三日然  
後行事諸路擇端誠修潔之士分禱嶽鎮海瀆名山大  
川諸路神祠靈跡寺觀雖不係祀典祈求有應者並委  
州縣差官潔齋致禱已而雨足復幸太乙宮報謝元豐  
四年詳定禮文所言近詔宗祀明堂以配上帝餘從祀  
羣神悉罷今大雩猶沿舊制皆羣神從祀與詔旨相戾

請孟夏大雩惟祀上帝以太宗配餘從祀羣神悉罷又請改築雩壇於國南以嚴祀事並從之五年禮部言雩壇當立於圜丘之左巳地高一丈廣輪四丈周十二丈四出陞為三壇各二十五步周垣四門一如郊壇之制

初大雩皆親祀自熙寧  
迄靖康有司攝事而已

南渡後雩祀上帝在城西惠照

院望祭齋宮行禮其後又於圜壇行禮孝宗時因雨澤愆候分禱天地宗廟精修雩祀初沿唐開元禮祈雨雩壇謂之特祀不以樂薦於是太常未時敏言通典載雩

祀用舞僮歌雲漢乞用舞僮六十四人衣玄衣歌雲漢之詩詔從之

遼制歲旱惟擇日行色克色哩儀以祈雨

前期置百柱天棚皇帝致

奠於先帝御容乃射柳皇帝再射親王宰執以次各一射中柳者賈誌柳者冠服不中者以冠服質之不勝者進飲於勝者然後各歸其冠服又翌日植柳天棚之東南巫以酒醴黍稷薦植柳祝之皇帝皇后祭東方畢子弟射柳皇族國舅羣臣與禮者賜物有差既三日雨則賜多羅倫穆騰馬四匹衣四襲否則以水沃之

金世宗大定四年五月命禮部尚書王競祈雨北嶽以定州長貳官充亞終獻又卜日於都門北郊望祀嶽鎮

海瀆有司行事用酒脯醢後七日不雨祈大社大稷又  
七日祈宗廟不雨仍從嶽鎮海瀆如初祈其設神座實  
尊壘如常儀其尊壘用甘瓢去蒂以為尊祝版惟五嶽  
宗廟社稷御署餘則否後十日不雨乃徙市禁屠殺斷  
織扇造土龍以祈雨足報謝投龍水中十六年五月旱  
遣使祈雨於寧靜山神

元無霄禮遇水旱或遣官行事或命西僧致禱世祖至  
元元年四月東平太原平陽旱分遣西僧致禱仁宗皇

慶元年十二月遣官祈雪於社稷鎮海瀆二年旱帝  
於宮中默禱遣官分禱諸祠泰定帝泰定三年帝以不  
雨自責遣使分祀名山大川及京城寺觀文宗天曆二  
年三月以去冬無雪今春不雨命中書及羣臣分禱山  
川羣祀

明太祖洪武元年旱禱雨於滁之豐山柏子潭二年以  
春久不雨祈告諸神祇為十八壇中設風雲雷雨嶽鎮  
海瀆凡五壇東設鍾山兩淮江西兩廣海南北山東燕



南燕薊山川旗纛諸神凡七壇西設江東兩浙福建湖  
廣荆襄河南北河東華州山川京都城隍凡六壇中五  
壇帝親奠幣初獻餘命官分獻每壇犢羊豕各一幣則  
太歲風雲雷雨用白餘隨方色籩豆簋簋視社稷孝宗  
弘治十七年五月畿內山東久旱遣官祭告天壽山分  
命各巡撫祭告北嶽北鎮東嶽東鎮東海世宗嘉靖八  
年帝諭禮部去冬少雪當春雨澤不降當親祭南郊社  
稷山川尚書方獻夫等具上儀注二月親禱南郊山川

同日社稷用次日不除道冠服淺色羣臣同文五品武  
四品以上於大祀門外餘官於南天門外就班陪祀九  
年帝欲於奉先殿丹陛上行大雩禮夏言請築雩壇孟  
春既祈穀自二月至四月雨暘時若則大雩遣官攝行  
如雨澤愆期則躬行禱祝乃建崇雩壇於圜立壇外泰  
元門之東為制一成歲旱則禱奉太祖配十二年夏言  
等言古者大雩之祀命樂正習盛樂舞皇舞蓋假聲容  
之和以宣陰陽之氣請於三獻禮成之後九奏樂止之

時樂奏雲門之舞仍命儒臣括雲漢詩辭製雲門一曲  
使文武舞士並舞而合歌之且教舞童百人青衣執羽

禮志作  
扇說

繞壇歌雲門之曲曲凡九成因上其儀視祈穀

禮帝從其議

案明代嘉靖以前雩祭無常儀凡遇水旱  
或躬禱或遣官祭郊廟陵寢及社稷山川

至世宗始建雩壇定儀制製樂章然行之未幾復為更  
改其後神宗萬曆十三年愍帝崇禎四年復行步禱亦

暫焉耳其於常雩旱  
雩之典終未備焉

### 明堂

唐玄宗開元二十年季秋大享於明堂祀昊天上帝以

睿宗配又以五方帝五官從祀邊豆尊罍之數與霄禮  
同二十五年依舊改東都明堂為乾元殿自是迄唐之  
世季秋大享皆寓圜丘代宗永泰二年大享明堂以肅

宗配憲宗時以順宗配穆宗時以憲宗配

三大享暨配  
位新舊書紀

志俱不載從馬  
貴與通考增補

後唐莊宗同光元年有司上言季秋大享於明堂請奉  
太祖武皇帝配

宋初沿唐制季秋大享明堂寓祭南郊壇太宗雍熙元

年詔以太祖配淳化四年以宣祖配然未嘗親祠止命有司攝事真宗始議行之屬封岱宗祀汾陰故亦未遑仁宗皇祐二年三月仁宗謂輔臣今年冬至日當親祀圜立欲以季秋行大享明堂禮然自漢以來諸儒議論不同夫明堂者布政之宮朝諸侯之位天子之路寢乃今之大慶殿也今不當於郊壇寓祭其以大慶殿為明堂仍詔所司定儀注以聞禮院請依周禮設五室於殿舊禮明堂五帝皆為幔室今旁帷上幕宜用青繒朱裏

四戶八牖赤綴戶白綴牖宜飾以朱白繒詔曰祖宗親郊合祭天地祖宗並配百神從祀今祀明堂正當親郊之期而禮官所定祭天不及地祇配坐不及祖宗未合

三朝之制且移郊為大享蓋亦為民祈福

先是宋庠建議今年當郊

而日至在晦用建隆故事宜有所避因請季秋大享於明堂從之蓋是歲祀明堂即以代郊禮也

宜合

祭皇地祇奉太祖太宗真宗並配而五帝神州亦親獻

之日月河海諸神悉如園立從祀之數嘉祐七年

菜馬火通

考及玉海作嘉祐六年今據宋史本紀及禮志輯

七月詔復有事於明堂禮院

言皇祐參用南郊百神之位不應祀法宜如隋唐舊制設昊天上帝五方帝位以真宗配而五人帝五官神從祀悉罷英宗即位禮官議仁宗配明堂知制誥錢公輔等奏曰三代之法郊以祭天以始封之祖有聖人之功者配焉明堂以祭五帝以創業繼體之君有聖人之德者配焉孝經曰昔者周公郊祀后稷以配天宗祀文王於明堂以配上帝宋之太祖則周之后稷配祭於郊太宗則周之文王配祭於明堂此二配至重萬世不遷之

法也真宗則周之武王仁宗則周之成王雖有配天之功而無配天之祭未聞成康以嚴父之故廢文王配天之祭而移於武王成王也唐中宗時以高宗配明皇時以睿宗配代宗時以肅宗配禮官杜鴻漸王涯輩不能推明禮意反雷同其說以惑時主延至於今牢不可破願陛下深詔有司博謀羣賢循宗周之典禮替有唐之曲學詔臺諫等官再詳定以聞觀文殿學士孫抃等曰仁宗繼體保成功德在人祔廟之始不得配上帝之享



甚非所以宣章陛下嚴父之大孝諫官司馬光呂誨奏  
論舍真宗而以仁宗配於祭法不合詔從抃議以仁宗  
配享神宗朝大享以英宗配元豐三年詳定所言祀帝  
於南郊以天道事之則雖配帝用犢所謂帝牛不吉以  
為稷牛是也享帝於明堂以人道事之則雖天帝用太  
牢詩所謂我將我享維羊維牛是也自梁用特牛隋唐  
因之皇祐熙寧用犢與羊豕皆未應禮請今親祀上帝  
配帝五方帝五人帝用牛羊豕各一六月詔曰歷代以

來合宮所配雜以先儒六天之說朕甚不取將來祀英  
宗皇帝於明堂以配上帝餘從祀羣神悉罷詳定所又  
言案晉摯虞議明堂之祭備物以薦三牲並陳籩豆咸  
列禮同人理故配以近考開元開寶禮及見行儀注明  
堂之享席用橐鞬器用陶匏並與郊祀無別殊非所謂  
禮同人理配以近考之意請以莞席代橐鞬蒲越以玉  
爵代匏爵其豆登簋俎尊壘一用宗廟之器從之哲宗  
元祐元年有事於明堂以神宗配徽宗政和三年八月

詔立明堂於大內之內地從祕書省於宣德門之東以  
其地為之詔明堂之制朕取考工記互見之文得其制  
作之本取夏后氏益世室之度兼商人四阿重屋之制  
從周人度以九尺之筵上圓象天下方象地四戶以合  
四序八窻以應八節五室以象五行十二堂以聽十二  
朔九階四阿每室四戶夾以八窻饗帝嚴父聽政班朔  
於一堂之上於古皆合其制大備宜令明堂使司依圖  
建立蔡京言三代之制世室重屋明堂修廣不相襲世

每近制每廣今若以二筵為太室方一丈八尺則室中

設版位禮器已不可容理當增廣今以九尺之筵為度

大室修四筵

三丈六尺

廣五筵

四丈五尺

共為九筵木火金水四

室各修三筵益四五

三丈一尺五寸

廣四筵

三丈六尺

共七筵益四

尺五寸十二堂古無修廣之數今亦廣以九尺之筵明

堂玄堂各修四筵廣五筵左右个各修廣四筵青陽總

章各修廣四筵左右个各修四筵廣三筵益四五四阿

各四筵堂柱外基各一筵堂總修一十九筵

一十七丈一尺廣

金匱要略卷一百一十一  
二十一筵

一十八丈九尺

蔡攸言明堂五門廊廡蓋以素瓦而

明堂則以琉璃其地則隨所向而砌以五色之石欄楯柱端以銅為辟邪之象而飾五方所向之色八窻八柱則以青黃綠相間堂室柱門欄柱並以丹雘塗之堂為三級每級崇三尺共為一筵庭植松梓檜門不設戟而殿隅並垂鈴詔玄堂避聖祖諱改為平朔重和元年九月

辛巳大享明堂併祭五帝

禮部尚書許光凝等言月令季秋大享帝說者謂偏

祭五帝曲禮大享不問卜說者謂祭五帝於明堂莫適卜也周官大宰祀五帝則掌百官之戒誓說者謂祀五

帝於四郊及明堂自神宗下詔准以英宗配上帝而悉去從祀羣神陛下肇祀宏規季秋大享位五帝於其室既無以禘禴配之嫌止祀五帝又無羣神從祀之黷則神宗黜六天於前陛下正五帝於後其揆一也從之

案此議宋史作許光凝馬氏通考作孔光凝所載詳畧亦微有不同今依宋史作許光凝而其文則兼採通考

以歸明詔每歲季秋大享親祀明堂如孟月朝獻禮罷有

司攝事及五使儀仗等自是迄宣和末歲行親享云高

宗紹興元年合祭天地於明堂奉太祖太宗配

禮部尚書胡直

孺言皇祐拘於禮文配帝并及真宗今主紹膺大統自真宗至於神宗均為祖廟獨躋則惠在無名並配則幾同裕享今參酌皇祐詔書將來請合祭昊天上帝皇地祇於明堂奉太祖太宗配惟禮專而事簡庶幾可以致

力於禮畢不受賀文武百官拜表稱賀如儀四年九月

有事於明堂合祭天地以太祖太宗配兼祀百神

先是

請議郊祀明堂祫享之宜禮部侍郎陳與義諫曰謹按皇祐詔書曰國朝自祖宗以來三歲一郊今祀明堂正當三歲親郊之期而禮官所定配坐不及祖宗宜並配以稱朕恭事祖宗之意蓋太祖則周之后稷當配祭於郊者也太宗則周之文王當配祭於明堂者也郊當祭太祖而以當郊之歲舉明堂之禮則不可以遺太祖而不祭皇祐詔書可為萬世不刊之典蓋中興郊祀明堂合祭天地並配祖宗之禮參據推明至是始定

三

十一年九月大享明堂罷合祭奉徽宗配祀五天帝五

人帝於堂上五官神於東廂罷從祀諸神位用熙寧禮

也孝宗淳熙六年以羣臣議復合祭天地並侑祖宗從祀百神如南郊光宗受禪以高宗升侑理宗淳祐三年用樞密都承旨韓祥等言明堂以太祖太宗寧宗並侑寶祐五年復奉高宗升侑於是明堂之禮一祖三宗並配度宗咸淳五年又去寧宗而奉理宗與祖宗並配焉明初亦無明堂之禮嘉靖十七年六月致仕揚州府同知豐坊上疏請復古禮建明堂加尊皇考獻皇帝廟號稱宗以配上帝下禮部會議尚書嚴嵩等言以功德論



則當配以太宗以親親論則當配以獻皇帝至稱宗之說臣等不敢妄議帝降旨令再會議戶部侍郎唐胄抗疏言大享之祭必奉配太宗而後我朝之典禮始備帝怒下胄詔獄嵩乃再會廷臣議獻皇帝配帝侑食文皇帝配孟春祈穀帝從獻皇帝配帝之請而却文皇帝議不行復以稱宗之禮集文武大臣於東閣議之疏上帝以不言祔廟留中不下乃設為臣下奏對之詞作明堂或問以示輔臣言明堂當以父配及當稱宗祔廟之義

時未建明堂迫季秋遂大享上帝於元極殿奉睿宗獻  
皇帝配二十一年即南郊大祀殿舊址建大享神御殿  
歲以季秋大享上帝奉皇考睿宗配行禮如南郊陳設  
如祈穀及殿成而大享仍於元極殿遣官行禮歲以為  
常隆慶元年罷之

臣等謹案明堂之禮本於成周自漢儒已莫明其  
義故大戴禮白虎通及蔡邕等所說制度各不相  
符朱子謂郊者古禮明堂者周制周公以義起之

則其不必強行於後代可知漢武帝從方士之說  
祀太一五帝於明堂惑之甚矣唐世泥於孝經嚴  
父之義配享迭更宋臣錢公輔譏之至為切當宋  
皇祐時於明堂行郊禮名實乖舛英宗治平後配  
位專以近考自是遂以為常雖徽宗播越亦得與  
於配天之享其失禮尤甚遼金元皆無其制明至  
世宗欲追隆所生特創斯禮逮隆慶而復罷夫違  
經訓而事靡文與假禮文而豐私昵皆無當於制

作之義也

朝日夕月

唐開元禮以日月為中祀玄宗天寶三載詔升為大祀  
以四時致祭

宋真宗天禧初太常禮院詳定秋分夕月合於未後三  
刻行禮仁宗慶曆中定朝日夕月圭皆五寸用羊豕各  
二簋豆十二簋盞俎二皇祐五年定朝日壇舊高七尺  
東西六步一尺五寸增修高八尺廣四丈如唐郊祀錄

夕月壇與隋唐制度不合從舊則壇小如唐則坎深今定坎深三尺廣四丈壇高一尺廣二丈四方為陛降入坎中然後升壇壇皆兩壝皆二十五步增山壘二邊豆十二神宗元豐六年禮部言唐王涇郊祀錄夕月壇方廣四丈今止二丈請依制改造從之高宗紹興三年司封員外郎鄭士彥言春分朝日秋分夕月祀典未舉望詔禮官講求從之其後於城外惠照院望祭位版日書曰大明月書曰夜明玉用圭璧大明幣用赤夜明幣用

白禮如祀感生帝

遼拜日儀皇帝升露臺設褥向日再拜上香閣門使通  
閣使或副應拜臣僚左右階陪位再拜皇帝升座奏勝  
訖北班起居畢時相以下通名再拜不出班奏聖躬萬  
福又再拜各祇候宣徽以下橫班同諸司閣門北面先  
奏事餘同教坊與臣僚同聖宗統和元年十二月千齡  
節祭日月四年十一月祭日月為駙馬都尉蕭德勤祈福  
金朝日壇曰大明在施仁門外之東北當闕之卯地門

壇之制皆同方丘夕月壇曰夜明在彰義門外之西北當闕西掘地汙之為壇其中春分朝日秋分夕月齋戒陳設省牲器奠玉幣進熟其節並如大祀之儀朝日玉用青璧夕月用白璧幣皆如玉之色牲用羊一豕一有司攝三獻司徒行事其親行朝日金初用本國禮太宗天會四年正月始朝日於乾元殿而後受賀熙宗天眷二年定朔望朝日儀有司設爐案御褥位於所御殿前陛上宣徽使奏導皇帝至位南向

拜殿門外臣僚陪拜如常儀世宗大定二年以無典故  
罷十五年言事者謂今正旦并萬春節宜令有司定拜  
日之儀有司援據漢唐春分朝日升煙奠玉如圜丘之  
儀又案唐開元禮南向設大明神位天子北向皆無南  
向拜日之制今已奉敕以月朔拜日宜遵古制殿前東  
向詔姑從南向十八年上拜日於仁政殿始行東向之  
禮章宗明昌五年初定日月常祀

元世祖至元十六年十二月甲申祀太陽二十五年春



卷一百十一  
正月庚寅祭日於司天臺武宗至大三年議行南北郊  
及朝日夕月有旨所用儀物令有司速備其後僅舉南  
郊北郊及朝日夕月皆不行

明太祖洪武三年禮部言朝日壇宜築於城東門外夕  
月壇宜築於城西門外朝日以春分夕月以秋分星辰  
則祔祭於月壇從之其祀儀與社稷同並設太尊二著  
尊二山壘二在壇上象尊二壺尊二山壘二在壇下邊  
豆各十簋簋各四玉並用圭璧五寸幣大明用赤夜明

星辰並用白牲大明用赤犢夜明用白犢星辰用純犢  
二十一年於南郊大祀殿為日月星辰四壇從祀其朝  
日夕月崇星之祭悉罷之世宗嘉靖九年帝以日月星  
辰止一從祀義所不安復定春秋分祭如舊儀建朝日  
壇於朝陽門外西向夕月壇於阜成門外東向壇制有  
隆殺以示別也朝日護壇地一百畝夕月護壇地三十  
六畝朝日無從祀夕月以五星二十八宿周天星辰共  
一壇南向祔焉春祭以寅迎日出也秋祭以亥迎月出

也朝日壇甲丙戌庚壬并上祭服親祀餘年遣文大臣攝之夕月壇丑辰未戌年上皮弁親祀餘年遣武大臣攝之

大蜡臘

宋火德王以戌日為臘太祖建隆三年十二月戌戌臘有司畫日以前七日辛卯蜡博士和峴奏議曰蜡臘之別名也漢乘火德以戌臘臘日接也新故相接改獵禽獸以報百神享宗廟旁及五祀以致孝盡虔魏晉同之唐乘土德貞觀中以寅日蜡百神卯日祭社宮辰日享

宗廟開元定禮三祭皆於臘辰以應土德聖朝臘用戌  
而以辛卯日蜡禮官之失也事下有司議如峴言蜡百  
神祀社稷享宗廟皆用臘日仁宗天聖三年同知禮院  
陳詒言蜡祭一百九十二位祝文惟載一百八十二位  
五方田畷五方郵表畷十位不載請於祝文內增入慶  
厯用羊豕各二大明夜明壇增山壘為二邊豆十二皇  
祐定壇高八尺廣四丈嘉祐加羊豕各五神宗元豐六  
年詳定禮文所言記曰八蜡以記四方年不順成八蜡

不通歷代蜡祭獨在南郊惟周隋有四郊之兆又月令以蜡與息民為二祭故隋唐息民祭在蜡後請蜡祭四郊各為一壇有不順成之方則不修報其息民仍在蜡後先是太常寺言四郊蜡祭有不順成之方即祭日月其神農以下更不設祭又舊儀神農后稷並設位壇下當移壇上伊耆氏即神農也壇下伊耆氏位宜除去從之徽宗政和三年禮局上新儀臘前一日蜡百神四方蜡壇廣四丈高八尺四出陛兩壝每壝二十五步東方

設大明位西方設夜明位以神農后稷氏配配位北上  
南北壇設神農氏位以后稷氏配五星二十八宿十二  
辰五官五岳五鎮四海四瀆及五方山林川澤丘陵墳  
衍原隰井泉田畷蒼龍朱鳥麒麟白虎玄武五水庸五  
坊五於菟五鱗五羽五介五毛五郵表畷五羸五猫五  
昆蟲各依其方設位中方鎮星后土田畷設於南方蜡  
壇酉階之西中方岳鎮以下設於南方蜡壇午階之西  
伊耆氏設於北方蜡壇卯階之南其位次於辰星高宗

紹興十九年有司檢會五禮新儀臘前一日蜡東方西  
方為大祀禮料視感生帝內從祀視釋奠文宣王從祀  
南方北方為中祀禮料視嶽鎮海瀆內從祀視釋奠武  
成王從祀孝宗乾道四年太常少卿王淪請於四方各  
為一壇以祀其方之神如政和之制其後南蜡於園壇

行禮北蜡於餘杭門外精進寺行禮

元明八蜡之祭不行明彭謹八蜡廟

記云古禮天子大蜡今之制止於府州禮王國則否畿甸以降惟兩淮之間有之荆揚以南莫之行也寶慶舊無廟有廟自鈞陽郭公始仁哉公之用心其善於復古矣陸東蜡議云八蜡神相沿以春秋仲月致祭考之典

禮於義未當蜡祭當以十二月漢以戌魏以丑議立春于除前則用立春日前丑日立春于來歲則用下旬丑日庶幾協於祭義

### 靈星

唐德宗貞元六年春二月復命祀靈星

宋諸星祠有靈星之祭仁宗慶曆中以立秋後辰日祀靈星其壇東西丈三尺南北丈二尺皇祐定如唐制靈星壽星壇皆周八步四尺其享禮遵八豆八在神位前左右重三行俎二在籩豆外簋盞一在二俎間象尊二



在壇上東南隅北向西上徽宗政和新儀改定壇高三尺東西袤丈三尺南北袤丈二尺四出陛一壇二十五步初真宗乾興祀靈星值屠牲有禁乃屠於城外至是勅有司凡祭祀牲牢無避禁日南渡後祀靈星如舊制明太祖洪武元年太常寺奏漢高帝命郡國立靈星祠唐制立秋日後辰日祀靈星今擬如唐制為壇於城南從之二年禮部尚書崔亮奏八月望日祀靈星遣官行禮三年罷之

風師雨師及諸星等詞

唐玄宗天寶五載詔風師雨師久列常祀惟此震雷未  
登羣望其後每祀兩師宜以震雷同壇祭共牲別置祭  
器肅宗乾元元年初置太一神壇於園丘東命宰相王

璵攝行祠事二年親祀九宮貴神

天寶三載術士蘇嘉慶上言請於朝日壇

東置九宮貴神壇壇三成成三尺四陛其上依位置九  
壇壇尺五寸東南曰招搖正南曰軒轅東北曰太陰正  
東曰天一中央曰天符正北曰太乙西南曰攝提正西  
曰咸池西北曰青龍五為中數戴九履一左三右七二  
四為上六八為下符於遁甲四孟月祭禮次昊天上帝  
而在太清宮太廟上用牲牢璧幣類於天地神祇玄宗

金匱要略卷之十一  
親祀之如有司行  
事即宰相為之

初九宮神位四時改位乾元以後不

易位德宗貞元二年詔問風師雨師祝版署訖合拜否  
太常寺奏本是小祀准禮無至尊親祭之文今雖請御  
署檢詳經據並無拜禮詔曰風師雨師為中祀有烈祖  
成命况在風雨至切蒼生今禮雖無文朕當屈已再拜  
以申子育萬民之意仍永為常式憲宗元和十五年太  
常禮院奏來年正月三日皇帝有事於南郊同日立春  
後丑日祀風師按有事南郊百神從祀風師既是星神

獻降之儀便當陪祭如非遇郊祀其特祭如常儀文宗  
太和二年監察御史舒元興奏臣伏見祀九宮貴神祝  
版陛下親署御名稱臣王者父天母地兄日姊月此九  
神於天地猶子男於日月猶侯伯也陛下尊為天子豈  
可稱臣於天之子男耶詔都省議皆如元興言乃降為  
中祀祝版稱皇帝不署名武宗會昌元年中書門下奏  
九宮貴神司水旱兵荒累年水旱僭候恐是有司禱請  
誠敬稍虧請自今以後用大祀之禮御署祝版以社稷

為準所冀稍重其事以申嚴敬勅旨依奏

後梁太祖乾化二年以旱詔委河南尹祈風師雨師

宋制二仲祭九宮貴神為大祀立春後丑日祀風師立

夏後申日祀雨師為中祀立秋後辰日祀靈星秋分享

壽星立冬後亥日祀司中司命司民司祿為小祀太乙

九宮神位在國門之東郊初用中祀咸平中改為大祀

真宗景德三年知樞密院事王欽若請祠壽星詔有司

詳定請以秋分日饗壽星及角亢七宿用靈星小祀禮

壇亦如靈星壇制大中祥符元年東封泰山於行宮東  
築壇以祀九宮二年澤州請立風師雨師廟令禮官考  
儀式頒之有司言唐制諸郡置風伯壇於社壇之東雨  
師壇於西各稍北數十步卑下於社壇祠用羊一遵豆  
各八簋簋各二奏可仁宗景祐二年學士承旨章得象  
等定司天監于淵等所請祀九宮太乙依逐年飛移位  
次之法按却良遇九宮法有飛碁立成圖每歲一移主  
九州災福事請依唐禮遇祭九宮之時遣司天監官一

員詣祠所隨每年貴神飛棊之方以定祭位仍自天聖  
己巳入歷太乙在一宮歲進一位飛棊巡行周而復始  
詔可康定元年禮官言國家有天下之號實本於宋五  
運之次又感火德宜因興王之地商丘之舊為壇兆祀  
大火以闕伯配建辰建戌出內之月內降祝版留司長  
吏奉祭慶曆四年靈臺郎王太明言按占書主河江淮  
濟溝渠溉灌之事十九星汴口祭河瀆七位而不及星  
司天監詳定亢池北河南河土司空不主江淮濟箕計

奎三星顯主津瀆請與東井天津天江咸池積水天淵  
天潢水位水府四瀆九坎天船王良羅堰等十七星在  
天河內者當祠詔汴口祭河兼祠十七星熙寧四年司  
天中宮正周琮言五福太乙自雍熙元年甲寅歲入東  
南巽宮修東太乙宮天聖七年己巳歲入西南坤位修  
西太乙宮今五福太乙移入中都請稽故事崇建祠宇  
迎之京師詔建中太乙宮於集禧觀

太乙十神曰五福  
君基大遊四神臣

基直符民基小  
遊天一地一

元豐詳定局言周禮兆五帝於四郊四



類亦如之鄭氏曰日月星辰運行無常以氣類為之位  
兆日於東郊兆月與風師於西郊兆司中司命於南郊  
兆雨師於北郊各以氣類祭之謂之四類漢儀縣邑常  
以丙戌日祠風伯於戌地以己丑日祀雨師於丑地亦  
從其類也熙寧祀儀兆風師於國城東北兆雨師於國  
城西北司中司命於國城西北亥地則是各從其星位  
而不以氣類也請稽舊禮兆風師於西郊祠以立春後  
丑日兆雨師於北郊祠以立夏後申日兆司中司命司

祿於南郊祀以立冬後亥日其壇北則各從其氣類其  
祭辰則各從其星位仍依熙寧儀以雷師從兩師之位  
以司民從司中司命司祿之位又言國朝秋分饗壽星  
於南郊於壇上設壽星一位南向壇下卯階之南設角  
亢氐房心尾箕七位東向案爾雅壽星角亢也說者曰  
數起角亢列宿之長故曰壽星非此秋分所享之壽星  
也又按晉天文志老人一星在弧南一曰南極見則治  
平主壽昌常以秋分候之南郊後漢於南郊立老人星

廟常以仲秋祀之則壽星謂老人星矣請依後漢於壇上設壽星一位祀老人星其壇下東方七宿不宜復設從之六年太常博士何洵直言祀九宮貴神祝版宜依會昌故事及開寶通禮書御名而不稱臣又貴神九位共用二少牢於腥熟之俎骨體不備謂宜每位一牢凡九少牢詔下太常修入祀儀徽宗建中靖國元年建陽德觀以祀熒惑又建熒惑壇於南郊赤帝壇壇外令有司以時致祭增用圭璧以闕伯配俱南向五方火精神

等從祀政和新儀立春日祀東太一宮立夏及季夏土  
旺日祀中太一宮立秋日祀西太一宮立冬日祀中太  
一宮又定風壇廣二十三步雷雨壇廣十五步皆高三  
尺四陛並一壇二十五步其雷雨壇同壇司中司命司  
民司祿為四壇各廣二十五步同壇又請風師雨師司  
中司命用樂仍製樂章以為降神之始祭以少牢仍用  
體解止薦熟並從之南渡後祀壽星風師雨師雷師並  
仍舊制高宗紹興三年太常寺言應天府祀大火今道

路未通宜於行在春秋設位七年五月命舉煢感之祀  
十八年詔擇地建太一宮又詔臨安府於國城之東築  
建九宮貴神壇壝其儀如祀上帝

遼聖宗統和二年祭風伯道宗清寧元年皇帝射柳訖  
詣風師壇再拜

金章宗明昌五年為壇於景風門外東南闕之巽地歲  
以立春後丑日祀風師牲幣進熟如中祀儀又為壇於  
端禮門外西南闕之坤地以立夏後申日祀雨師儀如

中祀羊豕各一是日祭雷神於位下禮同小祀一獻羊  
一無豕其祝稱天子謹遣臣某云宣宗興定元年以久  
旱祀九宮貴神於東郊

元每有興作祭太歲月將日直於太史院世祖至元五  
年勅二分二至及聖誕節日祭星於司天臺七年大司  
農請於立春後丑日祭風師於東北郊立夏後申日祭

雷雨師於西南郊

延祐五年始立壇  
隨其儀注闕

二十六年十二月命

回回司天臺祭癸惑

元祀儀皆禮官所擬而定於中書  
日星始祭於司天臺而回回司天

臺遂以崇星為職事成宗初即位五月壬子祭太陽太歲火土等

星於司天臺庚申祭紫微星於雲仙館大德元年建五

福太一壇以道流主之仁宗即位崇五星於司天臺英

宗初崇星於回回司天監四十晝夜文宗至順元年以

立冬祀五福十神太乙真君二年正月敕每歲四祭五

福太一二月建五福太一壇於京城乾隅

張美和曰五福太一之貴

神以二百二十五年行五宮自乾而艮艮而巽巽而坤坤而中宮又至乾每宮住四十五年所至之宮得福是

年在乾宮

明初以太歲風雨雷師從祀園丘復增雲師於風師之次司中司命司民司祿壽星依唐制分日而祀太祖洪武二年以太歲風雲雷兩諸天神合為一壇諸地祇合為一壇春秋專祀定驚蟄春分日祀諸天神於城南既又以諸神陰陽一氣流行無間乃合二壇為一而增四

季月將之祀改祭期與地祇俱用驚蟄秋分後三日

壇制

見山川門又從禮部尚書崔亮奏每歲聖壽日祭壽星同日

祭司中司命司民司祿皆遣官行禮三年罷壽星等祀



從禮部奏於城南諸神享祀壇正南向增九間以聖壽節前三日於此祭周天星辰四年帝躬祀周天星辰正

殿共十壇中設周天星辰位儀如朝日

先是三年八月夕月西郊附祭

周天星辰至是乃罷

六年命天下祀風雲雷雨之神九年更定山

川壇制正殿太歲風雲雷雨嶽鎮海瀆鍾山七壇東西

廡各三壇東京畿山川夏冬二季月將西春秋二季月

將京都城隍共十三壇二十一年敕十三壇諸神並停

春祭每歲八月中旬擇日祭之命禮部更定祭山川壇

儀與祭社稷同又以星辰既從祀南郊罷崇星之祭成  
祖遷都悉如舊制世宗嘉靖八年命每歲孟春及歲暮  
特祀太歲月將之神與享太廟同日十年即山川壇為  
天神地祇二壇左為天神壇四祀雲雨風雷右為地祇  
壇五祀獄鎮五陵山海瀆以仲秋中甸致祭辰戌丑未  
年皇帝親祀餘年遣大臣攝祭別建太歲壇準社稷而  
差小中太歲殿東廡春秋月將二殿西廡夏冬月將二  
殿帝親祭於拜殿中每歲孟春享廟歲暮禘祭之日遣

官致祭穆宗隆慶元年以天地神祇已從祀南北郊罷祭神祇壇惟太歲月將特祀於山川壇如故

臣等謹案鄭氏周禮注謂風師雨師為箕畢二星然箕星好風畢星好雨特謂其氣類之感召如此非謂二星即風雨之神也天文志東井為水事而孫武書言翼軫壁皆為風星之主風雨者寧獨箕畢耶顏師古注漢書郊祀志云志既言二十八宿又有風伯雨師則知非箕畢其破鄭說良是雲雷

之祀不見於經典楚辭有雲中君漢書郊祀志晉  
巫祠雲中君元始時王莽分靄公廟於東郊兆自  
漢以後無聞焉唐天寶始祀雷師明初始祀雲師  
竊以為風雲雷雨皆陰陽之氣流行鼓盪不得專  
指一星以主之而其功用相資祀典亦不容以偏  
廢也漢郊祀志云天神貴者曰泰一泰一佐曰五  
帝天文志云天極星其一明者泰一之常居也晉  
隋天文志云泰一星天帝神也主使十六神知風

雨水旱兵草饑饉疾疫災害所在之國又云三台  
為泰階泰一躡以上下則泰一者星象之尊者也  
然漢既祠泰一矣又別祠三天一地一泰一唐  
宋既祠九宮泰一矣唐又別置泰一神壇宋又別  
祠十神泰一夫泰一一星耳不知其何以分為二  
祀又何以或為九神或為十神也易乾鑿度云泰  
一取其數以行九宮鄭康成注云泰一者北辰神  
名下行八卦之宮每四乃還於中央中央者北辰

之所居故謂之九宮然則九宮止泰一一神之所  
周流唐時術士九宮貴神之說則泰一第居九神  
之一而又別增其八以為九且九宮既有星名復  
有神名不知周天星辰皆有神名耶抑祇此九星  
者有之耶至十神泰一則有天一地一之名為漢  
三一之二而與八神皆加以泰一之號夫天一與  
泰一並列星象乃合而名之曰天一泰一此何義  
也而君基臣基大遊小遊等於星象又何當耶蓋

泰一九宮之說出於星歷五行之家而道家者流  
雜出其說以附益之鑿空架虛支離繆悠不但為  
經典之所不言即求諸本術亦已淆亂而失其本  
矣大歲月將之祀說者謂起自元明然宋志載中  
太一宮靈貺殿太歲在中太陰在西則宋已祀太  
歲至明則泰一之祀廢而太歲特尊居山川壇諸  
神祇之上鄭氏注保章氏云歲謂太歲歲星為陽  
右行於天太歲為陰左行於地然則太歲者謂歲

陰之在地者也若歲星雖每年移次與太歲同而其所值之辰與太歲正不相當若太歲在子則歲星在丑太歲在丑則歲星在子太歲在寅則歲星在亥明時禮官皆以歲星為太歲誤矣若以歲星為太歲則漢時已祀五星歷代從祀圜丘又安得謂起自元世耶太歲月將雖亦出於陰陽家之言然正而近實畧仿古者祭時與寒暑之遺意與九宮泰一之荒唐無據者不同矣



欽定續通志卷一百十一